


524.

7-18



dd

dd

Michael Mexelburg.

M. IX. 78.

6
m
de
am
lega

THERIACA.

Ad Mentem Andromachi Senioris
Consensu Facultatis Medicæ

in quadruplo confecta

à

DN. SAMUELE SCHREIBERO
Pharmacopæo Senatorio
Löbnicensi.




REGIOMONTI,
Typis JOHANNIS REUSNERI,
ANNO M. DC. XLII.

Theriac


Ab Medicis Andromachi Seniore
Consensu Facultatis Medicæ

in quadruplo confectus

DR. SAMUEL SCHREIBER
Pharmacopæo Senatorio
Lobnicensi



REGIONONTIO
Typis Johannis Renggeri
ANNO M. DC. XLII


R. Troch. Scillitic. lb. ij.
de Vipera.

Piper Long.

Opy.

Magmat. Hedychroi an. lb. j.

Rosar. rub.

Irid. Illyricæ.

Succ. Glycyrrhizæ.

Sem. Buniad. dulc.

Comar. Scordy Cret. & Nostr.

pro Opobalsamo Ol. Nuc. Moschat.

Balsam. Indic. & Ol. Juniperi.

Cinamomi.

Agarici trochiscat an. unc. vj.

Myrrhæ.

Costi Odorati & Zedoariæ.

Croci Oriental.

Cass. Lign. ver.

Nard

Nardi indic :

Schænanth : cum floribus.

Thuris Masculi.

Piper. Nigr.

Alb :

Fol. Dictamni Cret : cum Lanug :

& floribus.

Comar : Marruby.

Rhabarbar : Elect :

Stæchad : Arab :

Sem : Petroselini Macedon : ver :

Calamenth : Montan :

Therebinth : Cypriæ

Zinziber : Alb :

Rad : Pentaphyll. an : unc. iij.

Poly Cret :

Chamæpityos

Gran : Styrac : Calamit :

Meu & Rad : Angelic : ver :

Amomi ver :

Nard : Celtic :

Terræ

Terræ Lemniæ ver: & Sigillat:

Strig: ver:

Phu Pontici.

Chamædryos.

Foly vel Macis & Chariophyll an.

p æq:

Chalcitidis Tostæ & Spir. Vitriol:

Rad: Gentianæ

Sem: Anisi:

Hypocystidis.

Carpobalsam: cum Cubeb: & Grar:

Juniperi.

Gum: Arabic: Splendidi.

Sem: fæniculi Cret: & Nostr:

Cardamom: Min:

Sem: Seseleos.

Succ. Acaciæ ver:

Thlaspios.

Comar: Hyperic:

Ammeos.

Calam:

Calam. Aromat. ver. in Cann. & Nostr.
Sagapeni in Gran. an. unc. ij
Castorei.
Aristoloch. Long.
Semin. Dauci Cret.
Bitum Judaici.
Opopanax. in Gran.
Fl. Centaurei Min.
Galbani an. unc. j.
Mellis despumat. lb. 57. unc. IX.
Vini Hyspan. Sedt. q. s.

Conficiatur secundum Artem.

Calam:

Trochisci Hedychroi.

R. Mari.

Afari.

Amaraci.

Aspalathi. an. unc. ʒ.

Schænanth. cum floribus.

Calam. Odorat. ver.

Phu Pontici.

Xylobalsami cum Lign Gran. &

Gum. Juniperi.

Opobalsami & Ol. Charyophyl. &

Ol. Nuc. Moschat.

Cinamomi.

Costi ver. an. drach. vi.

Myrrhæ.

Foly.

Nard. Ind.

Croci.


Cass. Lign. an. unc. ʒ.

Amo-

Amomi unc. iij.
Mastiches in Gran. drach. ij.

Fiant Trochisci qui in umbra exiccati.
Oleo Chariophyl. inungantur.





I.
IN NOMINE SACROSANCTÆ
TRINITATIS
PROLOQVIUM.



Vo major hostium est furor, & imminens ab iis vitæ periculum, eò accuratiore in procurandis armis solertia opus erit. Insidiantur corpori nostro, aliàs fragili, infinita, eaq; atrocissima morborum genera, de mediis iis resistentibus cur non cogitandum? Desudavit in eo Veneranda Antiquitas, & nil, quod ad oppugnandos sanitatis hostes, immò ad muniendum corporis nostri arcem facere videbatur, intermisit. Primitus quidem simplicibus, utpote Naturæ nostræ convenientioribus remediis, acquiescebat; Cum verò prægnantes Causæ etiam Composita expeterent, singulari studio, arte & ratione talia excogitarunt, quæ non sine fructu, prosperoq; ægrorum usurpari possent. Causæ autem illæ ad tria imprimis Capita referri possunt: Primum respicit Morborum, Causarum, Symptomatumq; rationem, prout enim hæc vel diversimodè complicata, vel in distinctis partibus subsistentia conspiciuntur, ita etiam medicamentorum desiderant compositionem, quam simplicior Morbus aut causa negligit. Deinde ægri ipsius, affectæq; partis Natura & Conditio in simplici
A aliquo

2.

aliquo vix acquiescebat. Tertiò, ipsum Medicamentum Simplex multis de causis aliorum effragitabat admistionem: aut enim vix sufficebat affectui etiam simplici, aut virtutem obtinebat, modò vehementiorem, ab alio refrenandam; aut mitiorem, ab alio excitandam exaltandamq; , aut vehiculum aliquod, quò facultas ejus ad partem affectam deferri posset, exoptabat; aut Sapore, Odore, Colore, imò consistentiâ ipsâ minùs acceptum erat, correctioneq; egebat; aut deniq; sui conservationem vel adversus corruptionem, vel virtutis exhalationem alterius alicujus ope, anxie quærebat: de quibus plura vide apud *Galen. l. 1. de compos. med. f. l. c. 3. Bauhin. de remediis. form. c. 11, Dispensat. Functor. in prefat. Senn. l. 5. Instit. c. 1.* Inter alia verò infinita Composita primæ optimo jure THERIACÆ debentur, tùm ob singulare Compositionis artificium; tùm ob insignes & nunquam satis deprædicandas operationes. Unde & peculiarem meritò meretur considerationem, exactamq; omnium ingredientium investigationem, quò cognoscatur, quantum Agyrtarum & Circumforaneorù Theriaca, quæ sesquipedalibus & Thraconicis elogiis extollitur, & vix umbrâ verâ obtinet, differat ab illa, quæ ad mentem Andromachi facta, & eadem ingredientia, & eundem agnoscit compositionis modum. Quò verò hæc feliciùs expediantur, quatuor id sectionibus expeditum dabo. quarum prima generalia quædam, Lauream. Nomen & Causas Theriacæ explicantia, præmittet, Materia altera in specie examen, tertia Compositionis actum, quarta deniq; specialem ejusdem Usam subjunget.

O Jesu annue laboribus meis!

SECTIO

3.
SECTIO PRIMA

De

THERIACA IN GENERE.

Lauream, Nomen & Causas ejus
explicans.

APHOR. I.

LAUREA THERIACÆ tribus
absolvitur, Dignitate, Utilitate & Necessitate.

*Jucunditatem forsitan urges: Verum gratis venamur
eam, ubi de salute vite nostra agitur. Pestis sanè, si non
tàm, quid conducatur, quàm quid placeat, attendatur. Sua-
visima quidem, ne perterrita Natura ingratorum exhor-
rescat insuavitatem, propinanda; at cautè, ne dum Ori
satisfacere laboramus, ferale quid ipsi Vita inferamus. De-
lectant non rarò amara, fastidiumq; pariunt dulcia nonnul-
lis. Urgentius itaq; attendendum, ut internam potius, quæ
Toti, quam Externam, quæ Palato grata, spectemus ju-
cunditatem.*

II.

DIGNITAS ex Antiquitate, Magna-
tumq; perennanti applausu, nec non unanimi
Medicorum clarissimorum illâ utentium con-
sensu æstimatur.

*Bellum Medicina inferre videntur, qui repudiatis Ve-
terum inventis, nil nisi novum quid evomunt. At ut non
rarò novorum Principiorum introductione, non tàm expli-*

4.
cantur, quàm implicantur omnia; ita & noviter excogitatorum remediorum usu sepè plus detrimenti, quàm commodi agrotis exoritur. Nam nova præter rationem comminisci & à Veterum doctrina recedere & temerarium, & in faciendo periculosum statuebat Hippocrat. Imò in periculoso affectu certis medicamentis relictis curiosa Experientia causâ agroti salutem prodere, grave & iniquum videtur Galeno I. de compos. medicam. sec. gener. c. 16. pervolve & ea, quæ tradit Forest. obs. 76. de Cerebri morb. l. 10. in Schol. Arrideant itaq; nobis antiqua sano & prudenti consilio concinnata, salutarig; usu comprobata, quorum classi Theriacam Andromachi annumeramus, quæ præ infinitis aliis Antiquitate gaudet. Infantia ejus, seu prima origo debetur Mithridati Regi Ponti & Bithynia, qui anno ante Christum natum (circiter) septuagesimo vixit: Perfectio verò ejusdem sub Nerone Imperatore, anno post Christum natum, quinquagesimo septimo subsecuta est. Ab hisce temporibus sesqui Chiliadas annorum superantibus, continuâ temporum serie viguit, & usurpata fuit. Utut enim & alia plurima antehac inventâ, adhuc dum reperiantur, tamen in Chartis tantum, non Officinarum thecis, unde & usus eorundem exolevit. Adauget hanc Nobilitatis dignitatem constans Magnatum favor. Ut enim olim Mithridates suo à se confecto Mithridatio, sibi subditisq; suis feliciter consulebat, ita ex eodem quasi naturâ Theriacâ subsequentes Imperatores sibi suisq; prodesse studebant: Non exiguam quippe imperandi partem arbitrabantur, communis salutis procurationem: si itaq; quispiam amicorû vel Civium Antidoto hac egebat, magnâ promptitudine, animig; maximâ propensione ipsam communicabant, referente Galeno ad Pison. c. 2. Ipse Imperator Marcus Antoninus singulis diebus, quasi delicato quodam cibo cante-

5.
 eâ utebatur, à quo & autoritas medicamenti amplior cre-
 vit, cum ejus efficacia latius inter homines divulgaretur,
 siquidem cum Imperator vitam sanam traduceret, utilita-
 tis fidem Antidotus hac majorem obtinebat, teste eodem.
 Hinc in hac usq; tempora nemo Magnatum ei repudium
 dare ausus, sed hoc potius egerunt, ut eandem dextrè & le-
 gitimè paratam, semper ad manus haberent: unde & non
 indifferenter quibusvis eam conficiendam dabant artifi-
 bus, aut seplasiariis, sed Medicis tantum Imperatoriis, aut
 aliis singulari Privilegio ea de causa donatis; nam ut di-
 gnotio omnium ingredientium expertum & prudentem re-
 quirebat Medicum, ita & conquisitio eorundem eximios la-
 bores, sumtus & difficultates. Accedit & non parum lu-
 minis huic dignitati, ob præstantissimorum, Theriacam u-
 surpantium Naturæconsultorum assensum; licet enim sint,
 quæ non nisi propria spûta arrident, quig; alia in Androma-
 cheæ compositionis locum substituere moliantur, tamen &
 proprias suas confectiões, Antidota, & similia eâdem ex-
 ornare coguntur: imò ob singularem, quam tanto tempo-
 ris spatio exhibuit utilitatem, ab ejusdem usu recedere haut
 possunt. Saniores verò tanta dignitatis eandem æstimant,
 ut & Regiam medicamentorum eam proclamare haut e-
 rubuerint, & adversus plurimos morbos vel quotidie ean-
 dem usurparint, & adhuc dum usurpent.

III.

UTILITATEM salutaris ejus com-
 mendat usus, quem in præcavendis & curan-
 dis, tam internis quàm externis, sive à mali-
 gna, sive à benigniore causa provenientius

A 3 mor-

6.

morbis præstat, & omni ferè *Ætati*, & *sexui* suam operam navat.

Minus commodè valere. non vivere est, sed torqueri; nam vita Galeno censetur non vivere, sed benè valere. Valetudinem itaq; optimè procurabis id, quod & imminuentium hostium ferociam avertere, præsentemq; morbi molestiam evertere valet. Utrumq; à Theriaca expectandum. Cum enim Balsamum nostrum radicale maximè respiciat, corpus nostrum adversus infinitos infirmitatum insultus ita munit, ut nec venenata pocula propinata homini quicquam nocere possint. Quod si verò labem aliquam jam contraxit, ei omnibus nervis sese opponit, pristinoq; nitore & robori eundem restituet. satãq;. Oppugnat sanè morbos ex quacunq; causa generatos: Aperto Marte cum manifestarum Qualitatum affectibus confligit; qui verò oculis & malignis viribus nos adoriantur, occultam quoq; ejus & planè divinam, ut loquuntur Avicenn. Munder. tr. de Pest. p. 105. Joubert & alii. experimur potentiam. Non est venenum, sive id Animale sit, sive Minerale, sive Vegetabile, cui non, si in tempore ei occurratur, & Natura robur adsit, Theriaca utiliter opponi possit, quinimo. cum subtilissima quandoq; effluvia ab animalibus lethiferis egredientia, de quibus consulantur, Avicenn. l. 4. f. 6. tr. 3. c. 22. Vidus vid. p. 2. f. 2. de curat. general. l. 1. c. 13. p. 332. Scalig. exerc. 200. homini insidientur, ab hac Antidoto propinata auxilium quoq; experimur. Quid? quod ipsissima Pestis, truculenta illa Hydra, unicum ut plurimum alexipharmacum agnoscat Theriacam. Partes insuper corporis nostri singulas, tam internas, quàm Externas facultate suâ respicit; nam & Capiti, & Pectori & Ventriculo, & Cordi & Hepati, & Lienì, & Utero, & Renibus. & Vesica, & ipsis Artubus, ob ingredientia singulis partibus dicata, prospici-

7.
prospicit, virtuteq; sua imbuat. Sit Juvenis, sit Vir, aut
Senex, nemo ab ejus legitimo usu periclitabitur. Sit mas
aut femina, nullum sexus agnoscit discrimen, si à prudenti
imprimis ea porrigatur Medico. Pueris an prosit, specialis
usus docebit. Judicium rectum ut omni Pharmaco, ita &
Theriaca debetur.

IV.

NECESSITAS ex inevitabili, quod
vel singulis momentis hominem petit, vario-
rum ingruentium affectuum malo, ex subita-
neo, indubitato, totiesq; experto auxilio col-
ligitur, ita ut nullaratione hac Antidoto morta-
les carere possint.

Medicamentorum necessitatem inter alia momenta
illa alterationes, quibus genus humanum obnoxium est
maximopere urgent. Quemadmodum verò hauri aliis, ita
nec Theriacà carere debebat, tam si subitaneum aliquod
expetatur remedium, utilem suam conferat operam. Quo-
ties Venenum ex improvise bibentibus auxilio fuit? Alius
mascarum venenatam aquam hauriens Theriacà assumptà
convalescebat; alius Arsenicum per imprudentiam devo-
rans eà restituebatur; alius Aquam fortem pro Vino adu-
sto deglutiens, eadem curabatur; Nec ita pridem Rusticus
quidam à Vipera quatuor vulnusculis latus, cui totum corpus
mirum quantum intumuerat, divini hujus remedii beneficio
ex Orci faucibus actutum eripiebatur. Taceo infinita e-
xempla alia, quae in praxi haecenus notata fuerunt, neces-
sitatem hujus Antidoti attestantia. Unde & Veteres, at-
testante Galen. ad Pison. c. 5. cum ex una parte animad-
vertissent, nec serpentum ictus evadere, nec venenum infi-
dias

8.
dias evitare nos posse, sed utrag. de causa mortem incur-
rere: Ex altera verò considerassens tantoperè naturam ho-
minum inter se differre, ut, quod uni prodest, alteri non con-
ferat, exquisitam hanc compositionem sunt moliti, ut hoc
nomine foret in omnibus hisce necessitatibus remedium pra-
sentaneum, & usu tam opportuno apud omnes gentes sum-
moperè celebratum. Quod si incertum quog. sit, aut as-
sumti Veneni, aut pestifera Luis, aut occulti alterius morbi
genus, Theriaca omne dubium solvet, & natura suppetias
ferendo malum ipsum extirpabit. Et si, referente Gal. l.
de cib. bon. & mal. succ. c. 4. honorificentius sit Nauta
in tempestatem non incidere, quàm eam evadere; non
minus Medico longè honorabilius erit hominem à morbo im-
munem servare, quàm morbo expressum sanare; quod cum
& idipsum Theriacà ex voto expedire possit, quis non sum-
mè necessariam eandem esse proclamabit? Quid verò in
desperatis & jam conclamatis morbis possit, innuit Galen.
sequentibus: In quibus, inquit, alia, Vi morbi supe-
rata nil contulerint, in his Theriaca exhibita egregiè
operatur.

V.

Lauream excipit Nominis enodatio, quæ
Etymologiâ, Homonymiâ, & Synonymiâ cir-
cumscribitur.

VI.

THERIACA, verius Thiriaca, à Gra-
co *θηρίον* i. e. fera, bellua, & *ἄρε* medela, re. tē
derivatur, ita, ut *θηρίαινα* idem sit, quod medela,
contra feram.

Petrus Aponensis lib. conciliat. differ. 177. &
179.

179. nec non cum eo alii minus genuinā suggerunt Etymo-
 logiam, derivantes Theriacam à Thiro serpentum genere,
 quem à Vipera cum Albert. M. lib. de Animal. distin-
 guunt: innuit idipsum quoque Nicolaus Myreps. in dis-
 pensat. suo. l. 41. §. 51. quod sc. Trochisci Viperini ex a-
 lia conficiantur fera, quam Tirum vocant. Sed errare
 eos nemo non videt, cum, antequam Viperina carnes The-
 riacis medicamentis admista fuerint, nomen Theriaca jam
 vigerit. Deinde aliis nationibus, imprimis iis, ubi primi-
 tus Theriaca preparabatur, non ita cognitus erat Tirus ser-
 pens. Tandem & Andromachus S. nullibi hanc suam
 compositionem Theriacam, sed ἀντίδοτον ἡλάην, χαλκήνην.
 εὐδίων i. e. antidotum Hilarem, Quietam & Serenam de-
 nominavit. Utus vero ἡδὲ & ἰσχυρὸν in genere, belluam
 quamvis significet; Medicis tamen in specie designatur
 bestia quadam Venenata, quæ icū, morsu, aliove modo
 Venenum relinquunt, unde & medicamentum, quod tan-
 quam medela huic opponitur malo, optimo jure Theriaca
 indigitatur. Cur verò à bestiis Venenatis Pharmaco huic
 nomen sit inditum, cum non tantum Venenis animantium,
 sed & Vegetabilium & Mineralium medeatur, imò & aliis
 externi, interni, affectus à variis causis exoriri, eadem ex-
 pugnentur, non sine causa quaeritur? respondet Marantha,
 à potiori semper fieri denominationem, cumq; Venena be-
 stiarum majoris sint momenti, imò & frequentius in Ita-
 lia & Græcia locis, letiferis animalibus abundantibus, oc-
 currant, & ut habet Galen. ad Pison. c. 5. nihil tam dif-
 ficile sit, quàm serpentes & venena vitare posse, meritò
 hac denominatio ei exinde attributa.

HOMONYMIA vocis triplici involvitur modo, vel enim Generalissimam & fere obsoletam, vel specialiozem, vel etiam specialissimam & magis consuetam obtinet significationem.

*Antiqui ante Galenum Medici Theriaca nomen generalissimè usarpabant pro Adjectivo neutro pluralis, sicq; Ingiaca illa dicebantur remedia, qua adversus venenatorum animalium morsus ebibita pugnabant; quemadmodum nobis Beroarthica, Alexipharmaca, Alexiteria contra Venena pugnancia dicuntur. & speciatius accipitur, ubi instar substantivi in genere fœminino designat prestans quodvis medicamentum Curationem tam Venenatorum, quam aliorum morborum expediens; & sic interdum simplicia hoc nomine gaudent, Allium Galen. 12. m. m. 14. dicitur Theriaca Rusticorum; Scilla Avicenna Theriaca contra Venena; Gummi Opopanax & Aristoloch. Theriaca ad puncturas. Plinius l. 18. N. H. c. 18. Vitiim quandam apud Thasios provenientem Theriacam vocat, cum ejus Vinum & Uva contra serpentum ictus valeant: Interdum composita, ut Theriaca ex Pœonia, ex terra sigillata, ex Bryonia Oribas. Theriaca Germanorum, Eli Galli, Euclidis, Zenonis, Antiochi, de qua vide Plin. l. 21. N. H. c. 34. de aliis Actium tetrabil 4. f. 3. c. 14. Quercet. Pharm. dogmat. p. 499. 511. Specialissimè & maximè propriè, pro confectiōe ex Viperis Andromachi Senioris, ad cujus mentem Galenus & alii ejus successores eandem composuerunt, & adhuc dum componunt, Licet verò hodierno tempore
sepius*

Sapius non Andromachi, sed Venetorum Theriaca dicatur, der Benedische Thiriack/ hanc tamen ab ea differre haut putemus, cum, quantum quidem possibile est, auctum auctoris sequantur; sed propterea à laudatissima illa Republ. nomen obtinuit. partim, quod genuinam descriptionem Andr. Veneti religiose servant; partim quod solemnibus adhibitis Ceremoniis, ut ferè nullibi locorum fit, ea ibidem parctur; partim quod illorum industria non sine magnis sumptibus & difficultatibus ex tenebris hanc Antidotum eruerit, cum ob penuriam plurimorum ingredientium vix Cadaveris formam ante annos non ita multos præ se ferret; partim etiam quod per omnem terrarum orbem Theriaca illorum distrabatur, & certo sigillo munita divendatur. Interim & alibi locorum eadem industriâ, eadem fide, eadem methodo & lege jam eandem parari, alibi monstrabimus. Hic nonnulli dubii sunt, quærentes; Utrum Andromachus Sen. hanc suam Antidotum Theriacam vocitarit? Tidir. tr. de Thiriac. p. 37. non ab ipso Andromacho sed Critone celebri ejus sæculi Medico primitus nomen hoc ei esse inditum censet; idq. ut Galen. l. de Usu Theriac. ad Pamphil. & ad Pison. c. 5. voluit, duplici de causa; primò quod ad Venenatorum animalium ictus morsusve faceret; Deinde, quod venenati animalis partes, carnem sc. Viperinam reciperet: Non hic moramur contrarium sentientes Marantham, Quercetian. & alios: Ut enim ante Viperina carnis additionem alia quoq. medicamenta Theriaca nomine venerint; placuit tamen successoribus Andromachi potiori jam iure Antidotum hanc nomine hoc insignire, quod utroq. gauderet & i virtute adversus venenatas bestias, & ingredientibus Viperarum carnibus. Et quia verba valent sicut nummi, cur absq. ratione Galeno contradicendum?

SYNONYMA varia sunt. Andromacho S. dicebatur γαλήνη. Quies ἱ. Tranquillitas, & quidem ἡλαρὴν καὶ εὐδίον, hilarem & serenam in versibus eandem vocabat, ut & πανάκειαν Panacæam: aliis dicitur ἀντίδοτος & ἐχιδνῶν, Antidotus ex viperis; Medicamentum Polychreston; Regina, Mater medicamentorum.

Quò quid est præstantius, & utilius, eò plura Nomina & Epitheta, laudis encomia decantantia meretur: Vocatur autem γαλήνη, non quod à Galeno inventa sit, ut perperam nonnulli fecerunt, teste Joubert. tr. de Pest. c. 39. Sed quod Veneno, aliâq. morbificâ causâ turbatos & quasi maris procellis oppressos ad Quietis portum deducat, humorumq. ferociam compescendo, symptoma: a omnia mitiget & placet, unde non nisi ἡλαρὴν καὶ εὐδίον latum & serenum corpori animoq. statum conciliat, discussis variis tristitia & jamjam ingruentis mortis nebulis. Antidotus δὲ ἐχιδνῶν ad differentiam aliarum Antidororum, quæ ex Viperis non conflata erant, nec similes operationes edebant, quarum quingentas & undecim Nicolaus Myreps. in dispens. Med. à p. 1 ad 233, annotavit. Polychreston & Panacæa, ob insignem efficaciam & usum ferè in omnibus morbis & Venenis, omnibusq. Naturis, quibus salutariter opitulatur. Regina medicamentorum, non tantùm quod à Rege primam duxerit Infantiam, aut quod Imperatoribus, Regibus & Principibus admodum chara fuerit, sed imprimis, ob insignes, admirandas & planè heroicas Virtutes tam in præservandis, quàm curandis affectibus, quodq.
hoc

13.
hoc nomine ferè omnibus aliis Antidotis palmam præcipiat;
confirmante id Cl. Munderero tr. de Pestil p. 213. un-
de & Matris nomine ab aliis insignitur.

X.

DEFINITIO sequitur. THERI-
ACA est Antidotus Andromachi Senioris ex
variis remediis cum adiectione, carniū Vi-
perinarum concinnata, adversus venena, vene-
natosq; ut & alios morbos pugnans, Naturæq;
præservando & curando prospiciens.

Ex lib. 1. de Antidot. colligitur, Antidota ea olim
dicta fuisse medicamenta, quæ non imposita extrinsecus,
sed intus assumpta, pravæ corporis affectiones sanabant;
quorum alia adversus exitiales potiones; alia ad ferarum
ictus, vel morsus Venenatos; alia ad morbos ex prava vi-
tæ ratione obortos facerent: alia verò, quæ tria hac si-
mul pollicerentur & præstarent, quorum classi optimo jure
Andr. Theriaca refertur: Licet & generali jam Anti-
doti vocabulum gaudeat significatione, cum Theriaca ex-
ternè adhibita in usum venerit, & commodè usurpari
possit.

XI.

CAVSARVM explicatio, Efficien-
tis, Materiæ, Formæ & Finis enodatione ex-
peditur.

Si quod S. Paulus suo Timotheo præcipit, ut vitet τὰς
βεβήλας καὶ κενόφρονάς, καὶ ἀνηθίσεις τῆς ψευδοῦς γνώσεως,
B 3 & aliis

& aliis scientiis applicandum est, gratis contra causarum genera & alia antiquitus in scholis sanâ ratione recepta pugnatur: praeferat ipsum adificium inceptum continuare, quàm de novo fundamento sollicitam curam instituire.

XII.

EFFICIENS, vel est Universalis, vel Particularis. Illa est, Deus T. O. M. benedictus in secula; qui, ut simplicem ex terra creavit medicinam; ita & Compositorum humanibus usibus maximè interserviendum rectè indigitatur prima causa.

Saniores Ethnici, quibus melior mens erat, supremum quoddam venerabantur Numen, cui inventiones excellentium medicamentorum adscribebant, felicesq; simul curationum successus deferebant. Observavit idipsum Andromachus quoq; in fine Carminis, inquit.

Ἰατρίῃ, ὅς τ' ἐστὶ μάκαρ πύθνας' &c.

Propitius ergò sis tu, qui hanc Antidotum, ô beate fabricatus es Poëan

Sive te Tricca divinitus habeant cacumina.

Aut Rhodus, aut Burinna, & propè mare sita Epidaurus,

Ad sis quæso, atq; ut saluiferum edulium Regi præbe.

Sobolem hanc tuam Panaceaam. Ille contra sanctis oblationibus

Supplex venerabitur te propter hanc salutarem medicinam.

Avicenn. tr. de Virib. Cord. 2, c. 4. & alii divinitus hoc quoq; concessum medicamentum proficiuntur. Nil isag;

15.
itaq; & ego huic excellentia & dignitati detractum volo,
cum Deus sit fons omnis bonitatis, & salutem corporis
quoq; nostri promovere, paternè cures: Nec dissentientes
alios hic video Medicos, inter illos Joubert. tr. de Peste
c. 19. hanc omnium compositionum Reginam cœlitus tra-
ditam esse fatetur.

XIII.

Particularis causa est duplex: alia respi-
cit primam inventionem, alia successivam
Compositionem: Illa defertur Andromacho
Seniori pessimi Imperatoris Neronis optimo
& celeberrimo Medico; Qui primitus hanc
Theriacam composuit, & ne vel ponderum
vel ingredientium ratio mutaretur, totam com-
positionem metro includere, posteritatiq; con-
secrare voluit.

Mithridates, potentissimus ille Rex, qui duabus &
viginti gentibus imperavit, earumq; linguas adedè per-
fectè calluit, ut earundem legatis nunquam per interpre-
tem responsa dederit, tanti Medicam artem fecisse dici-
tur. ut neglecto ad tempus Regio solio, lucos inaccessos per-
lustraret, abditos terræ recessus investigaret, simplici-
bus sedulo conquireret remedia, qua lethalibus ictibus & mor-
sibus mederentur: Inventa in hominibus morti destinatis
expertus est, ut cuinam Veneno proprium Alexipharmacum
opponi posset, cognosceret: Hinc aliud simplex phalangis,
aliud Scorpionibus, aliud Napello, aliud alii adversari didi-
cit. Tandem divino certè instinctu, unum ex pluribus
meditatus est compositum, quò eo ipso pluribus Venenarum
gene-

generihus mederi posset. Hoc ipsum ab autore Mithridatum fuit dictum, & à Pompejo Magno Regem Mithridatem bello subigente inter alia inventum, Romanis fuit communicatum, unde sanè plus laudis, quàm ex ipsa victoria reportavit. Andromachus noster, ut hoc ipsum Pharmaceutum magni aestimavit; ita ad ejusdem normam aliud adversus nonnulla efficacius, composuit, cui Theriaca nomen postmodum fuit impositum. Hic ipse verò Andromachus, Gal. l. ad Pis. c. i. referente. celeberrimus fuit Medicus, artem Medicam ad summum usq. edoctus, nec faciendo solum, sed dicendo etiam vehementer exercitatus, genus suum ex Creta insula, complurimis herbis referissimà, ducens, Archiater Neronis, in cuius gratiam hoc medicamentum condidit, simul & versibus conscriptum dedicare voluit. Nec sine causa more antecessorum suorum ligatum soluto prætulit stylo: Cùm enim plurimi novitatis, & fictæ cujusdam sapientia pruritu titillentur, quæis nil antiquum, sed quod novum est, arrides, nec immutatum quicquam relinquunt, voluit autem ingredientia & dosin eorundem adversus omnem reformationem munire, nam ex metro quid mutatum, substractum, additumq. sit, faciliè patet. Hinc non sine causa Junioris Andr. sive filius S. Nepos ejus fuerit, descriptio eum apud nos locum non mereatur, & non sine causa postponitur. 1. Quod prosâ oratione fuerit delineata, quæ faciliè emendationem aliquam ab aliis incurrere potuit. 2. Quod non parum à mente Senioris recedat in translocatione, additione & subtractione nonnullorum simplicium. Quo verò in censu ea compositiones Theriacales habende sint, quæ pro cuiusq. Cerebro fictæ & vel infinita iis adarta, vel etiam ex aliis diversis extracta sint, faciliè quis judicare poterit.

Ad successivam compositionem referuntur omnes illi Medici & Pharmacopœi, qui à tempore ipsius Andromachi S. in nostra usq; Antidotū hanc dextrè & legitimè confecerunt, & adhuc dum conficere eandem allaborant,

Dua horum classēs possunt constitui: ad primam Veteres Galenum vel antecedentes, vel subsequentes; ad secundam Recentiores patrum nostrorum memoriā vel etiam nostro tempore celebres rediguntur. Antecesserunt Galenum, eiq; nonnulli cōgtanei fuerunt: inter alios Xenocrates solius Sagapeni dosin adaugens. Democrates in aliorum pondere nonnihil discrepans; Magnus, medicorum Galeni saculo præsēs, & Demetrius & ipse Medicis præsiciens, quorum Gal. ad Pison. c. 12. honorificam facis mentionem. Subsecuti sunt infiniti alii Romani, Græci, Arabes, Galli, Angli, &c. donec & Germania pretiosissimo hoc Thesauro ditata est, à quibus & ad nos Porussos Pharmaci huius compositio dimanavit. Ut enim taceam florentissimas Gedanensem & Thoruniensem Respubl. ubi summā dexteritate & singulari cum fructu Antidotus hac componitur. Quem latere potest eximia Pantzerorum Regiomontanorum (ut de alio nil dicam) solertia? qui nullis sumtibus, nullisq; laboribus & difficultatibus in conquirendis genuinis ingredientibus hactenus pepercerunt, ut veram & legitimam ad mentem Androm. S. & hinc Regiomonti Porussorum nobis exhiberent Theriacam, qua num cedat Venetorum Theriaca, alibi speriam.

XV.

MATERIA sunt ingredientia omnia & singula, ex quibus Antidotus hæc est confecta, ex classe Vegetabilium, Animalium & Mineralium desumpta; quorum Generalis consideratio & Quantitatis & Qualitatis simplicium exigit scrutinium.

XVI.

Quantitas tria respicit, 1. Numerum ingredientium, 2. eorundem Immutabilitatem, 3. Succedaneorum genuinam notitiam.

XVII.

Numerus in multitudine materię constitit, quæ gravissimis de causis, optimo consilio & sanâ ratione ab Andromacho fuit observata, teste Gal. ad Pison. c. 3.

Plinius l. 29. N. H. *impudenti planè calamo Theriacam, ut & Mithridaticum ob multitudinem ingredientium perstringit hisce verbis*: Theriace vocatur excogitata compositio luxuriæ: fit ex rebus externis, cum tot remedia dederit Natura, quæ singula sufficerent. Mithridaticum Antidotum ex rebus 54 componitur, interim nullo pondere æquali, & quarundam rerum sexagesima denarii unius imperata. Quo Deorum perfidiam illam monstrante? Hominum enim subtilitas tanta esse non potuit. Ostentatio artis & por-

19.

tentosa scientiæ vendicatio manifesta est. Ac ne ipsi
quidem illam novère. Verùm, quàm hac omnia præter
rationem effutita sint, pluribus demonstrat Tidiç. in tr.
de Theriac. à pag. 45. ad 49. ubi omnia & singula mem-
bra examini subijcis. Vanitatem quoq; illius iudicii, &
dignitatem nostra Theriaca sequentium Problematum eno-
datio docere poterit: Queritur autem 1. An & Cur o-
pus fuerit tanto simplicium numero? 2. Utrum do-
mestica externis semper præferenda, hæc; illis post-
ponenda? 3. An ponderis æqualitas exactè servan-
da? 4. An exigua unius ingredientis portio in una
dosi, quid prodesse valeat.

Ad primum: Dolose, ut habet ex Villanovano
Heurn. meth. ad præf., aut frustra querit is Composita,
qui simplicibus mederi potest; plus tamen eum hallucina-
ri statuo, qui, quod simplici non valet, composito perficere
recusat. Si solis simplicibus universos præter naturam af-
fectus curare liceret, nullus utiq; compositi unquam usus fo-
ret, inquit Gal. 1. de compos. med. 1. g. c. 3. at frustra
id molimur, cum & affectuum, & Naturarum, ut dictum
est, conditio aliud suadeat, moneat, imperet. Hinc &
gravissimis de causis farraginem hanc simplicium Androm.
adhibuit. 1. ut ex Galeno ad Pison, cap. 5. colligitur,
ob varietatem venenorum: Cum enim alia sint Ani-
malium, alia Vegetabilium, alia Mineralium, & singula-
rum classium innumera species, quarum alia aliam edie
operationem, & suum quoq; specificum desiderat alexiphar-
macum (nec enim quodvis curvis medetur, nam quod canis
rabidi morsui opponitur, nil confert Viperae aut Scorpio-
num ictibus; quodq; adversus Colchicum, aut Aconitum
pugnat, inefficax est contra Opium, Cerussam, Cicutam,
Nerium & similia) plurima sanè misceri debebant, ut uno

hoc misto variis mederi possemus venenorum generibus? Vix autem excogitari poterit Venenum, quod à Theriaca tanquam certissimo alexipharmaco non expugnetur. 2. Propter occultationem ipsius Veneni; ut innuit A-verrh. tract. de Ther. c. I. Venenata enim sapissime hauriuntur pocula, ubi de genere Veneni nil constat, quid ergo certum ipsi remedium opponere poterimus? Theriaca autem ex multis mixta, instar Universalis cujusdam sese habet, quae etiam nobis ignoto medebitur Veneno. 3. Ob aliorum morborum diversitatem: Nec enim solis Venenis dicata est, sed & aliis tam Internis, quam Externis morbis, quorum curatio feliciter absolvitur unico hoc remedio ex pluribus composito, quod à simplici aliquo nunquam sperari posset. 4. Ob viscerum internorum differentiam; aliud enim Cor, aliud Cerebrum, aliud Hepar, aliud Uterus, Lien, &c. requirebant, necessarium itaque Cephalicis & Cardiacis, Hepaticis, Uterinis, Splenicis & similia misceri debebant, ut partes illae à morbo aliquo obfesa eò feliciter restitui possent. 5. Ob temperamentorum discrepantiam, nec enim cuius quodvis propinari potest, sed quod huic medicamentum est, alteri in Venenum abit, & contra: Quam dextrè autem etiam diversis Temperamentorum generibus satisfaciat Theriaca, alibi monstrabitur. 6. Propter causas & requisita ad Compositum facientia. Nam basi principali ad adiungenda erant alia, quae actionem ejus promoverent; alia, quae ad partem destitutam facultatem ejus quae manere ducerent, alia, quae nonnullorum ingredientium vim castigarent, alia quae ad generalem missionem & conservationem facerent. Quod sane paucis nequaquam expediri potuisset.

Ad. II. Male Plinius, Paracelsus & alii Exotica respuunt; licet enim domestica, ubi locum inveniunt, merito aliis

ad alius preferenda, & arrogantiam quandam sapiat, in
 Exoticis tantum subsistere, quasi Natura nobis noverca sit :
 tamen necessitate sic urgente, & Exoticis suis relinquendus
 locus : nam & hac de causa Navigationes à Deo homini-
 bus concessa, ut illarum medio ex diffinis etiam locis utilis-
 sima quæ, non tantum ad victum & amictum, sed &
 morborum propulsionem facientia, ad nos deferri possent.
 Sale carere haut possumus, non tamen quævis terra eundem
 ad cibum idoneum profert. Cinamomo & Caryophillis,
 quorum maxima est necessitas, nil simile apud nos reperi-
 tur : Verum & nos ipsi aliis succino, baccis Juniperi, Cornu
 & Ungulis alciis & similibus succurrimus.

— nonne vides Croceos, ut Tmolus odores,
 India mittit Ebur, molles sua thura Sabai,
 At chalybes nudi ferrum, virosaq; Pontus,
 Castorea, Eliadum palmas Epirus equarum.

Deinde non ex puris Exoticis hac Antidotus paratur, plu-
 rima enim, imò ferè ultra dimidietatem domestica sunt, &
 apud nos quoq; reperiuntur : nonnulla etiam nunquam an-
 te hac hic visa, singulari industria, non sine ingenti de-
 dectatione, apud nos jam coluntur, & ad Theriaca compo-
 sitionem commodè usurpari possunt.

Ad. III. Insulsè ingredientium urgetur aequalitas
 ponderis, cum ea sint diversarum facultatum & virtum :
 admitteretur illa, si omnia in Qualitatibus certisq; inter
 se gradibus conspirarent, & ad unum scopum collimarent :
 prudenti itaq; consilio in sex classes doses distributa sunt, ut
 sic & effectus felicior à composito hoc expectari posset.

Ad. IV. Non corpus ipsum, sed virtus & qualitas re-
 medii simplicis attendenda, unde vel semigranum unius fa-
 cultate superat etiam drachmam alterius : & quia à toto

composito effectus expectatur, quid opus erit Arithmetica
in designatione portionis operantis?

XVIII.

Immutabilitate illa hoc volo, ut nil hujus
descriptioni vel dematur, vel addatur, nisi sum-
ma urgeat necessitas: In defectu tamen unius
vel alterius certa succedaneorum observentur
requisita,

Galen. i. de Antidot. c. i. testatur, se in conficien-
da Theriaca, quam Antonino Imperatori paravit, neq^{ue} o-
misse, neq^{ue} addidisse quicquam, sed ea solum imposuisse, quae
ab antiquis Imperatorum Medicis imponi consuetum fue-
rat: unde nec contemnendum est consilium, Avicenn. l.
de Theriac. ut sc. nil removeatur, quod experimentum ju-
vativum invenit: fortasse enim inquit, illa complexio
cum illo pondere exigit illud, cujus juvamentum invenit ex-
perientiam, quam quidem dum res ipsa movetur à suo pon-
dere, non consequitur illam proprietatem. Horum tamen
celeberrimorum Naturaeconsultorum sententia non subscri-
bit Quercetan. Pharm. Dogm. p. 518. fecundam enim
hodie dicit esse Artium inventricem, eamq^{ue} indies magis
magisq^{ue} incrementum sumere. Quà duce & auspice pluri-
morum remediorum usum, quem Veteres tanquam utilem
comprobaverant, sese abdicasse, & in illorum locum, alia
suo artificio inventa, introduxisse; hincq^{ue} subtractionem
& additionem in Theriaca quoq^{ue} locum habere posse statuit,
& sic Rhabarb. agar. chalcitid. tanquam supervacanea &
inutilia ejicit, & praeforibus stare praecipit. Huic errori
omnes illi subscribunt, qui à tempore Andromachi in hac
usq^{ue}

ing, vel circa ingredientia, vel etiam legitimam dosin mutationem instituire haut erubuerunt. Pessimè tamen 1. quia sic nullus ulli composito etiam per aliquot secula comprobato, relinqueretur locus, cum nemo tam abjectæ doctrinæ sit Medicus, qui non vel aliquid addere, vel etiam subtrahere, aut pro arbitrio suo substituere posset: plurima enim reperiuntur simplicia in eundem effectum cum aliis conspirantia, quæ ex mera reformandi libidine in alierius locum surrogari possent. Omnia & singula Quercetani Antidota, Aqua composita, Extracta, Electuaria, &c. censuram haut effugerent; cum, licet affabrè & doctè sint concinnata, facile quid iis demi, aut addi possit? 2. Nonne ex additis & subtractis Theriacalium ingredientium proportio, quam tamen Andromachus strictè observari voluit, immutabitur? 3. Nonne sic Experientiam per tot annos comprobatam repudiaremus, aut cerè in dubium vocaremus? 4. Correctione illà, & deformatione non Theriaca nobis relinqueretur, sed aliud quid: quemadmodum ex subtractione & additione nonnullorum ingredientium Theriaca desit esse Mishriacium; hocq. sui generis permansit Antidotus: ita nec Theriaca castrata, aut superfluis onerata amplius nomen Theriaca vera merebitur. 5. Circa effectum, qui toties à Vera Theriaca usu dimanavit, hasitaremus, nec correctà illà ita tutò uti possemus. Est Augustanis sua Theriaca absq. viperinis carnibus; aliam describunt Bononienses plurima alia simplicia admiscentes, alii aliam exhibent, nullam tamen harum eà pollere virtute, quam Andromachi S. hætenus prodidit, vel illi ipsi fatebuntur. Non tamen eodem modo Extractum Theriaca rejiciendum existimo, aliud enim est mutare ipsa Compositi ingredientia, aliud verò servatis iisdem totius essentiam extrahere, ita ut idonea fermentatione facta, & omnibus
invi-

in vicem legitime unitis, terrestrior pars separetur, & nucleus ipse reservetur: in omnibus tamen Naturis, morbis, &c. Extractum preferendum esse ipsi Theriaca vulgari non dixerim, sed omnia dextrè & ad amussim pensanda erunt: nam ut habet Steegh. l. I. Med. Pract. c. 15. Sæpè integra rei virtus necessaria est, crassioresq; & materiales partes non raro usui sunt.

XIX.

SUCCEDANEA sunt Medicamenta in alterius deficientis locum surrogata. Substantiâ, Qualitate, Quantitate & Proportione eidem respondentia. —

Patitur regula quævis suam exceptionem, necessitasq; legi collum subducit. Cum ergo temporum injuriâ nonnulla simplicia planè non deferantur ad nos; alia verò adulterata nonnunquam, providendum eris, ne iis in totum destituatur compositio: Quare vires potius ipsas Naturæ consulti prudentiores, quàm ipsum corpus attendere voluerunt. Licet autem nullam detur simplex, quod per omnia alteri sit simile, sed aliquam semper obtineat differentiam, consensus tamen principalium Qualitatum, tam manifestarum, quàm occultarum identitatem quandam infert. Hinc & Succedanea originem trahunt; Quæ duplicia à Marant. l. I. de Ther. c. 8. constituuntur: alia sc. improprie dicta, quæ aliquali ratione unum eundemq; morbum sanando respiciunt, quanquam aliàs sint admodum diversa: Sic in sibilu aurium & dolore earundem ex causa frigida Aloë in liquore aliquo dissolutâ utimur, in cujus defectu substituitur Chalcitis aut Nitrum, aut Aristolochia, quæ singula in

25.
la in affectu predicto quidem conveniunt, et quia alias
maximè inter se differunt, in aliis morbis nulla ratione suc-
cedanorum rationem obtinent. Propriè dicta verò sunt
illa quæ dictis in Aphorismo conditionibus consentiunt.

XX.

Substantia exigit eandem crassitiem, te-
nuitatem, levitatem, gravitatem, raritatem,
densitatem, lentorem & friabilitatem.

*Ita Sonchus Endivia, Plantaginis portulaca commo-
dum statuitur succedaneum, cum illa tenuitate, hac crassi-
tie inter se conveniant.*

XXI.

Qualitates non tantum primæ, sed & se-
cundæ & tertiæ attendendæ; imò Occulta-
rum quoq; per experimenta comprobararum
ratio exacte habenda: Gradus quoq; Caloris
& Frigoris, Odoris, Saporis, nec non virtus
aperiendi, mensendi, purgandi & similia
attendenda.

*Malè calido in tertio gradu substituitur calidum pri-
mi gradus, aut e contra: licet enim triplâ dosi deficientem
caloris gradum augere possemus, subsequenti tamen condi-
tioni, eandem exigenti quantitatem repulsam daremus.
Idem itatem quoq; Solis & Soli hic nonnulli urgent: Ve-
rum ut in nonnullis id concedi potest, ita non in omnibus.
Sunt enim quedam quæ eximium Solis desiderant calorem;
& frigoris impatientes sunt. & sic Italiam, Græciam, Cre-*

ram & similia loca natale agnoscunt solam: nec enim nostra regio pomis & fructibus Citri, aurantiorum, Granatarum & similium ferendis accommoda est. Quaedam tamen sunt, quæ si non maiorem, certè eandem proprietatem obtinent, etiamsi ex aliis locis huc translata sunt; quod Scordium, Chamepytis, Chamadris & ejus generis alia comprobant. Sunt deniq; alia, quæ culturâ & transplantatione venenatam suam deponunt malitiam; nec enim exiguus notatus est Transplantationis effectus, cùm ejus beneficio innumerorum simplicium, acris, amara, & infesta Qualitas cum dulci, suavi & benigna commutetur. Persea præstans inquinatum Venenum, translatione mitescit: Scilla, Helleborus & alia venena a hoc medio corriguntur, ut doctè monent Heurn. l. 2. meth. ad Pr. c. 4. Quercet. Pharm. Dogmat. p. 543. Horst. l. 2. Epist. med. l. p. 408.

XXII.

Quantitas necessario eadem servanda, ne eadem auctâ aut diminutâ augeatur, aut imminuatur ingredientium proportio.

Cum certâ & determinatâ dosi quodlibet ingrediens sit designatum toti compositioni, malè eidem vel augendo vel imminuendo consuleremus: hac de causa ferè nulli Medicorum arridet, quod Gal. lib. j. de Antidot. c. 13. & Aet. f. 13. c. 91. & c. 101. pro Cinamomo duplum Cassia substituendum censeant. Idem de aliis esto judicium.

XXIII.

Proportio quoq; inter simplicia attendenda, ut, flori flos; semini semeu; radix, radici; ligno

ligno lignum; succus succo; lachryma lachry-
ma succedat, ne, hoc neglecto difficultas ali-
qua in mistione oboriatur.

*Andromachus S. exactam tenens miscendorum ratio-
nem certam siccorum, humidorum, & solubilium observa-
vit proportionem. Si itaq. pro radice lachryma, pro ligno
succus, aut e contra quid substituti vices teneret, tunc vel
minus vel etiam plus liquoris Theriacam ingrederetur.
Hinc optimo, ut docent Medici, consilio pro Opopalsamo,
vel Oleum nucis mosch. expressum, vel balsam. indic. loco
Carpobals. Nux myristica: loco Xylobalsam. lignum aloës:
pro Costa zedoaria: pro Amomo Cubeba: pro Aspalatho
Santalum citrinum locum tenere poterunt.*

XXIV.

Paucissima autem sint illa succedanea, ne
numerus excedens toti compositioni mutatio-
nem inferat, & potius aliud quid, quàm vera
Theriaca inde expectanda.

*Multum laboris, immensi sumtus, eximiæ difficul-
tates in conquirendis simplicibus requiruntur: testaturq.
Galenus, qui Romæ Imperatori suo Theriacam composuit, si-
bi ex Syria, Palestina, Ægypto, Cappadocia, Ponto, maxi-
mè verò ex Maceonia & aliis locis medicamenta ad The-
riace confectiorem necessaria, fuisse allata, unde vix uno,
aut alio opus fuit a nobis doperari. Quinimò tantum la-
boris suscepit, ut & quorundam simplicium ad Theriace
preparationem necessarium gratia ipse peregrina adierit
loca. In insulam Cyprum navigavit Chalcedidis causa,
cujus*

ejus etiam tantum pondus illinc se avexisse testatur l. 9. de simpl. medic. facult. sub tit. Misy. In Syriam quoque Palestina Bituminis; in Lemnam terra Lemna gratia profectus est, & hujus Sphragidum millia viginti secum inde avexit. Millichius Pharmacop. Venet. in dispensat. suo p. III. refert, se in dispensatione Theriaca Anno 1573. facta quing. tantum desiderasse succedanea, ita ut loco Opobals. ol. nuc. mosch. exp. pro Carpop. baccas Juniper. pro Amom. amomum racemos. pro Acor. calam. aromat. vulgar. pro folio folium officinis usitatum substituerit. Nos eadem felicitate hic Regiomonti in confect. Theriac. gavisos esse, specialis materia enodatio monstrabit. Sex autem ad summum sufficiant, eaq. talia sint, qua verorum requisita obtineant: Si enim decem, quindecim aut viginti substituerentur aliorum loco, nil aut certe parum Theriacalis virtutis inde ad nos redundaret.

XXV.

Qualitas bonitasq. materiae generaliter consideratae restat, quae sequentem suggerit regulam. Omnia & singula simplicia in sua specie sint perfectissima, tempore convenienti collecta, & quidem iis in locis & Regionibus, in quibus sunt efficaciora, notas integritatis praefereant.

Notat Galen. quendam in eo omne studium collocasse; & praestantissimum haberet Opium, de aliis non ita sollicitam egisse curam: Fuerunt alii, qui in electione solutis Ayrrhae, alii in Galbani & similium particularium confectione similiter desudarunt: Verum non sine maximo ipsius

ipsius Compositi detrimento, quum huius unius predominio
cæterorum virtus quasi sopita permancat, sicq; vix umbra
vera Theriaca sese nobis offerre possit. Quare id sedulo o-
mnig; studio peragendum, ut omnia & singula, nullo nec
minimo excepto, optima sint nota, & laudata facultatis.
Radices singula debito tempore colligantur, cortices habeant
æquales, sint rimarum expertes, bona substantia, coloreq;
nativo huius defraudata, densa & æquales. De Corticibus
idem esto iudicium. Semina si sine separata, matura de-
bent esse, si planta adherentia propinqua sint maturationi,
solida, cortice claro, non ramoso. Flores vegetam obtine-
ant naturam, vivumq; colorem, ut & exsiccati quasi re-
centes conspiciantur. Succo, lachryma & alii liquores non
sint exusti nimis, aut inveterati, sing; efficaces quoad pro-
prium odorem & saporem.

XXVI.

FORMÆ consideratio duplex sese no-
bis offert: alia quæ ipsum Medicamentum
componendum s. formulam respicit; alia, quæ
ipsum Compositum. Illa est concinnus & ad-
mirandus omnium ingredientium ordo, ad
normam & regulam medicam. compositorum
factus, singulari studio, artificio & prudentia ab
Andromacho S. observatus & notatus.

Quemadmodum Empirici & cum iis Thessalus uni-
versa ferè composita medicamenta ad Insomnia, Fortunam
& Casum olim referebant, quorum tamen somnia perstrin-
git, Galen l. 1. de compos. med. sg. c. 1. ut & l. 2. c. 1.
ita & cum nonnullis Fallopius satis injuriosus & iniquus

est in Andromachum ejusq; compositionem; Nam tract. de Thermis. c. 10. Theriacam & Mithridatum Empirica dicit esse medicamenta sine ratione composita & coacervata, cum in illis multa sint superflua, multaq; contraria, quodq; ad multos etiam inter se contrarios effectus faciat & conferat; cum tamen ratio non patiatur superflua in medicamento poni; multò minùs, quæ inter se contraria sunt, quodq; unum medic. varios & inter se pugnantes morbos faciat: experienciâ tamen esse compertum, & in usum jam receptum Theriacam propulsare ac fugare varios morbos. eosq; contrarios, quamvis Casu sit composita, & superflua in ipsa fuerint posita. Verumenimverò absq; ratione hæc effutita esse quisq; judicio menteq; non destitutus dijudicare poterit. Quod nulla sint superflua ex Aphor. 17. liquet, & notat Marant. l. i. p. 6. diligentissimâ habitâ ratione, & maturo sanog; judicio adhibito tam varia esse adhibita, ita ut nullum in hoc composito sit simplex, quod si mutetur, auferatur, aut in quantitate varietur, si non universam, aliquam saltem compositionis partem labefactari. Quod verò contraria nonnulla addita sint, id potius de primis & secundis, quæ tamen secundariò tantùm hic attenduntur, quam de occultis intelligendum, quæ non sine causa hic primas tenent: Deinde lex compositionis id vult, ut medicamentorum calidiorum vis opposito frigidiore aliquantulum infringatur, fortiorumq; vis mitigetur. Tandem & in ipsis mixtis simplicioribus contrarietatem quandam conclusam esse animadvertimus, Rhabarbarum enim laxat & adstringit, Aloës aperit & adstringit: simile quid in lapato, brassica, lacte & aliis videmus, attestante Gal. ad Pis. c. 4. & aliis in locis.

qui

Qui verò contrarios effectus edere possit aph. 29. in com.
 q. 2. monstrabit. Casu autem, & absq. ratione iudiciove esse
 hac omnia constata, nemo dixerit, qui mentem & intentio-
 nem Andromachi S. paululum rimatus fuerit. Is enim ad e-
 xemplum Regis Mithridatis prastans quoddam voluit con-
 cinnare Pharmacum, imprimis contra Venena cujusvis ge-
 neris militans; hinc basin principalem constituit Vipe-
 ras, quarum non quantitas, sed qualitas aestimanda, cum ea-
 rundem vel pauca grana Venenis apprimere resistent: ut ve-
 rò vis hac alexipharmica & Bezoartica omnibus imprimis
 principalioribus partibus deferri posset, specifica singularum
 partium Basi adjunxit, quæ & partes ipsas respicerent, si-
 mul & insitâ suâ alexipharmacâ vi actionem Viperinarum
 carniū juvarent: repēiuntur enim in hac compositione
 Cephalica, Pectoralia, Cordialia, Hepatica, Stomachica, U-
 terina, Splenetica, Nephritica, Arthritica & similia: Ho-
 rum cum nonnulla calidiora & acria essent, necessariò ab
 aliis, ne noxam quandam inferrent corpori nostro, mitigan-
 da erant: Imò ne effervescentia insignis humorum dare-
 tur imprimis Veneno corpori ingesto, aut Pharmaco fortio-
 ri irritante, talia admiscenda erant, quæ frexum q. humori-
 bus injicerent, & Narcosi suâ quietem eis conciliarent; quò
 sic basis principalioris vis eò felicius & potentius adversus
 hostem suum insurgere posset. His ita admirando modo
 mixtis, non possunt non & alia ipsis simplicibus insita facul-
 tates suas, necessitate sic exigente, Naturâq. non repugnan-
 te, exerere Virtutes, quæ, ut dicetur, ad primariam & secun-
 darum qualitatum classē referantur. Quinimò ipse
 Quercetanus, licet Catoniapam sibi sumserit censuram ut in
 alia, ita & in hanc Antidotum, nihilominus tamē ordi-
 nem egregium designat, quò omnia secundum facultates
 suas

suas disponuntur. & in sex classes dividuntur. Prima ad-
signat classi Troch. Theriacal potissimum, ut & Tr. Scille
& Hedychroi basi principaliori succurrentes, & Alexiteris
vim augentes. Secunda ea, quæ Anodyna sunt, horumq;
simul proprietates insistendis & coërcendis omnis generis im-
petuosis defluxionibus & Hemorrhagiis intendunt. Ter-
tia specifica & singulis partibus dicata. Quarta ea, quæ
sanguinem & spiritus calefaciunt, naturamq; nostram in-
staurant, & corroborant. Quinta, quæ Balsamum corpo-
ris nostri radicalem ab omni putredinis & corruptionis infe-
ctione tuentur & præservant. Sexta, quæ attenuant,
dissolvunt deoppilant, caputq; & Uterum roborant: & li-
cet tria Rhab. sc. Agar. & Chalcit. rejiciat, tamen, quo ju-
re, suo tempore examinabimur. Non itaq; confusum quod-
dam est Chaos. Stultâ quâdam incogitantia, & absq; ratio-
ne ex pluribus constatum, sed medicamentum potius sum-
mo mentis acumine excogitatum, dextrè concinnatum, af-
fabreg. compositum, ut & alexipharicum quoddâ univer-
sale contra quavis Venena valens, simul & laudabilis qua-
dam Panacea contra gravissimos totius corporis affectus
militans esset. Experimentâ quidem duce plurima ingre-
dientia sunt inventa, imò effectus admirandi hujus Phar-
mici notati, ac ut illa cum ratione fuerunt disposita, ita &
horum ratio postmodum manifesta dari potuit. Et cum ab
Horat. Augen. l. 5. epistol. medic. 10. p. 112. triplex
constituatur remedium genus, aliud quod solâ ratione, aliud
quod solâ experientia, aliud quod duce ratione, & Expe-
rientia comite sit inventum, non sine causa cum eadem
Theriacam & Mithridatium ad tertium genus referimus.
Ratio enim compositionem invenit; Experientia de in-
ventorum virtute decernit, ut loquitur Galen. l. 1. de com-
pos. med. s. g. c. 4.

XXVII.

Forma ipsius Compositi est, Interna ejus
Essentia ex atomorum consensu & dissensu be-
neficio fermentationis ita exaltata, ut median-
tibus Qualitatibus admirandos edat effectus.

Duo hic necessariò dispendiendi 1. Qualenam sit Mi-
stum Theriaca? 2. An unà, an verò pluribus gaudea-
formis? Circa primum vult Piccolomin. l. de Mist. c.
33. p. 1235. non veram hic dari missionem, cum illa solius
Natura opus sit, sed compositionem, vel juxta positionem
cum aliqua alteratione. Idem ferè sentit Zabarell. tr. de
Mist. c. 13. p. 476. Theriacam sc. nullam habere veram
missionem, vel si habeat eam Elementorum esse missionem,
non mistorum Theriacam ingredientium. Hisce sese oppo-
nit Cl. Sennert. in Hypomnem. & postquam cum Sca-
lig. exerc. 101. l. 1. statuisset, missionem non esse miscibilium
alteratorum unionem, sed motum corporum minimorum
ad mutuum contactum, ut fiat unio, simulq; trium Mistio-
nis graduum, aut modorum ex eodem fecisset mentionem
(quod sc. alius modus sit eorum, quæ ubi cohererunt dissolvi
ac disjuncta esse possint, ut Aquæ & Vini, Auri & Argenti mi-
stiones, quæ non faciunt unum formaliter, sed per accidens
saltem, & dicuntur potius Cramata, suntq; tot entia, quot
intus & extra corpora: Alius eorum, quæ difficilius
dissolutionem admittunt, ut Nix, Ros, & meteora reliqua,
ut & glebæ, lapides, &c. quæ aliis dicuntur Entia incho-
ta: Alius eorum, quæ nullâ prorsus ratione dissolutionem
patiuntur, qualia sunt illa, quæ vegetantur & sentiunt.
dicunturq; nonnullis Composita) tandem in fine capituli hisce
concludit: Cū primum ingredientia Theriacalia con-

funduntur Crama posse appellari, sed ubi postmodum per Fermentationem omnia per minima ununtur, vera mista dici. *Huic sententia ut subscribamus, sequentes suadere videntur rationes.* 1. *Quia hic est vera secundum mentem Scaligeri mistio; corpora enim moventur ad mutuum contactum, ut fiat unio.* Artis quidem opus est preparare omnia & singula ad misionem necessaria; solius verò Natura ipsam instituere misionem, quæ sit beneficio Fermentationis, cujus similem dicit esse rationem Fernel. l. 1. de abdic. c. 3. quæ misionis in rebus naturalibus. 2. *Quia perfectè a fermentatione non Cravatatis modo ununtur partes, ubi sensibus quidem minus manifesta est illa resolutio, interim Sapientum intellectibus non occulta, ut loquitur Scalig. l. c. sed instar veri misti: Impossibile enim, ut vel ab artificiosissimo quoque ita simplicia egredientium vicissim educi possint, ut pristinam suam & propriam Naturam exhibeant.* 3. *Quia qualitates inde, tanquam à vero misto promanant, ita ut in singulis etiam minimis dosibus virtus expedita clucescat.* Si tamen cui magis aridet Theriacam vocare Compositum, quàm Mistum Aristotelicum, ita ut hoc sit id, quod ex subtilioribus & quasi primis principiis unitur & miscetur: illud verò quod ex perfectè jam mixtis componitur, cum eo non litigabo, cum potius circa verba, quàm rem ipsam sit dissensus. *Quod secundum attinet questum* Utrum unam vel plures Theriaca obtineat formas? id maioribus involvitur difficultatum tricis; ita ut acutissimus Scaliger ipse exclamet. *Utram sententiam, inquiens, magis probem, haut facilè dixerim.* Nam & absurdum videtur in continuo uno statuere plures formas (cum unica tantum sit forma in omni re Fallop. de med. purg. c. 4.) & formarum naturæ non videtur convenire.

ut qui actus sunt, fiant potentia: tamen, si cogar ef-
fari, quod in hac humana caligine sese offert mihi, fa-
teor, me vinci à sententia posteriore. Sunt enim
formæ hæ actus materiæ quisq; suæ. Quæ materiæ,
quia sunt à Natura ad operosiores compositionem
instituta, factum ab eadem esto, ut quemadmodum
ipsæ, sic & earum formæ commisceri queant, &c.
Galenus ad Pison. c. 10. *vult admista cujusq; vim medi-*
cina eandem, immutatamq; non servari, verum ex omnibus
unam quandam resultare. Nam, cum quodq; simplex al-
teri virtutem suam communicet, una quadam alia Tempe-
ratura, virtusq; ex ipsis consurgit; & paulò post: In The-
riaca non amplius una cujusq; simplicis medicinæ fa-
cultas, qualitasve permanet, sed singulis quibusq;
congregredientibus, & naturalem quandam unionem
subeuntibus, quædam alia, diversaq; ex omnium con-
fusione Natura procreatur. Idem ferè vult Silvatic.
qui tract. de Theriac. p. 265. censet: *Simplicia, ex qui-*
bus constant composita suam formam exuere, aliamq; o-
mninò diversam induere, quæ Compositi forma esse dicitur:
Idemq; de Theriaca fatendum, quæ suam formam ex medi-
camentorum mistione & unione acquirit. & nihilominus
per Qualitates primas agit: fatemur nos quoq; inquit,
simplicem simplicium medicamentorum formam in
compositione deperdi, tertiamq; aliam enasci o-
mnium diversam: in hac tamen primarum qualitatu
vires adhuc servari, non quidem quasi simplex me-
dicamentum quodvis vires suas servare posset, inte-
rim tamen Compositum exsiccare, humectare, exca-
lescere, refrigerare. Hancq; formam vocat Theriaca
specificam, p. 274 occultam, p. 264. cælestem, p. 270. non
Substantiam tamen, quia non proprie à Natura introduci-

3
 tur, cum partes multas in Opificio habuerit Ars p. 267. nisi
 improprie substantialem quis dixerit. Clariss. Heurn. l.
 2. meth. ad prax. p. 89 sic ea de re statuit. Quia, in-
 quit, sensibus humanis inexpertus est modus & Idea
 fermenti, obscura & anceps, imò incerta erit illa for-
 ma, quæ ex variis rebus mixtis surget. Cumq; sese
 mutuò pervasere fermentationis vi, nulla Naturæ
 tam valida vis in nobis efflorescit, quæ semel ita com-
 mista divellere possit. se. nova quædam Idea ex illo-
 rum concursu nata sese exerit. Hæc autem recens
 enata vis, quam potestatem exercere possit in no-
 strum corpus, solus usus aperit, quamvis alioquin
 num facultas adsit calefaciendi, humectandi, inci-
 dendi, &c. loquantur rerum injectarum qualitates.
 Verumenimverò licet id entem hic usurpare possem, cum
 vix quid certi in hac mentis nostræ imbecillitate asserere
 valeamus, & quædam humana sapientia pars sit, nonnulla
 æquo animo nescire; & vera sapientia nolle nimiam sapere,
 Scalig. exerc. 307. f. 29. & exerc. 274. magis tamen ar-
 ridet mens Scaligeri; & ita quidem, ut statuam, Formas in-
 feriores ita esse à Deo creatas, ut non tantum sint unifor-
 mes, & ad dispositionem ipsius corporis actiones suas exer-
 ceant & varient, sed & invicem in mixtione suorum cor-
 porum conspirent, & quasi uniantur, ut licet singula singu-
 lis rebus remaneant, conjunctis tamen illa generalem, quasi
 quandam constituat formam & essentiam, quæ & tota est
 in toto, & tota in singulis partibus, nec refugere easdem di-
 visibilitatem, quæ denegatur forma principaliori & perfe-
 ctæ. Hujus autem Essentie Natura quia nec digitis pat-
 pari, nec oculis videri potest, mentis tantum aciem admis-
 tit, & per Qualitates suas unice sese prodit, quarum hi-
 storia jam subjungenda.

XXVIII.

Qualitates Theriaca sunt vel Manifestæ, vel Occultæ: Illæ vel sunt primæ, vel secundæ, vel tertiæ. Ratione primarum calida est in secundo, & sicca in tertio gradu: Ratione secundarum aperit, penetrat, attenuat, crassos humores dissecat, Gal. ad Pison. c. 15. 16. Aer. iterab. s. 1. c. 96. abstergit 2. ad Glaucon. c. 17. sed & incrassat, adstringit, reprimat. Ratione tertiæ, menses movet, urinam provocat, calculum pellit, &c.

Communi & expeditiori insisto Medicorum via. & Qualitatum differentias ad normam eorundem determino, ne circa peregrina hesitans principia, & me & alios in labyrinthum confusa cognitionis precipitem. Galen. 8. m. m. 7. Avicenn. tr. de virib. Cord. 2. c. 4. Averr. l. de Theriac. o. ult. existimant Theriacam minus excalefacere, magis tamen exsiccare quàm Mithridatium. Sit vaticus pro diversitate temporis fermentationi dicati, diversum quoniam ei adsignat temperamentum. Nam p. 267. inquit: Theriaca usq; quò fermentata est, refrigerat strenuè & exsiccant. A fermentatione usq; ad septimum & octavum annum excalefacit in primo, procedente deinde tempore usq; in finem in secundo tertium versus: perpetuè autem tertii ordinis exsiccantium est. Verum ex Hypothesiquadam miris firmè id colligit: prasupponit enim cum Veteribus Optimum summe esse frigidum. huiusq; temperamentum ante perfectam fermentationem maxime vigere, successivè vero immutari frigi-

frigiditatemque in principio prevalere, postea vero sensim remitti, & calorem successivè manifestari. Verum Opium potius inter calida locum obtinere, & Narcosin ejus non à frigiditate, sed alio quodam principio provenire, historia ejus specialior explicabit. Cum ergò nulla, aut certè exigua, nulliusque efficacia frigiditas ei insit, cur à calidioribus ea successivè infringi debet? quàm etiam ratione inde Theriaca frigida statuenla, cum vix tria aut quatuor sint ingredientia, qua frigiditatem prænominantem in primis Qualitatem agnoscunt. Rectius itaque calida in secundo, & in tertio sicca dicenda Theriaca; Vix tamen manifesta caliditatis ante absolutam fermentationem non adeò manifestè sese exserere, nec etiam expecti: non nobilioribus reservatur usibus. Quod verò Galen. l. 5 m. m. c. 17. Matrona Romana ob Catharrum salsum sanguinem expuente Theriacam quatuor mensium exhibuerit, id non idèo factum, ut Opii nondum refrenati virtute frigidà sanguinem vestigueret & somnum induceret, sed potius, ut à Narcosi hunc ipsum effectum, qui & à Laudano Opiato expectatur, expeteret; Eo modo & furentium deliria excitato somno feliciter sedavit, spiritibus sc. turbulentioribus & ferocientibus ad quietem deductis, & placide quasi ligatis, unde non immeritò nomen Quietis compositioni huic ab Andromacho s. attributum. Circa secundas Qualitates notabilis occurrit questio. Quàm Theriaca unum existens remedium diversos tamen, immò contrarios possit edere effectus? Silvaticus p. 276. à diversitate Ætatis idissimum dependere vult: ab initio enim dum adhuc viget frigida illa ab Opio Vis, eam incrassandi adstringendi, reprimendi vi pollere; digerendi verò attenuandi & discutendi vires adipisci successivè calore predominante: Jacobus Ferrar, Idem Theriac. c. 2. contrarij ingredientibus contrarias

39.
etiam adscribit actiones, inquit: Ingentia tot sunt
numero, tot qualitatibus invicem diversa, & contrarietate pugnancia, ut merito innumerabiles & contrarias ratione materiei Theriaca edat actiones, infuso animantis calore actuata; cui propria forma parem gratiam referens, efficit, ut idem fortius ad propulsandas cujusq; generis illatas injurias, evadat, sicq; hac ratione Theriacam contraria posse certo statuimus. *Tidic. l. c. p. 42. sequentibus nodum hunc Gordium solve-
re conatur.* Quemadmodum, colligit, simplicia plurima diversas obtinent vires, imò & pugnantes, quæ effectus etiam edant contrarios, nihilominus tamen à Natura, quæ morborum Curatrix est, & facultatem quamvis in medicamento latitantem in actum producit, hoc elicitur, quod desideratur, quodq; exigitur: Ita etiam ex Theriaca, diversis facultatibus ditata ipsa Natura elicit hoc ipsum, quod sibi conveniens est, & cujus ope ab affectibus liberari possit. Ubi enim *diaphorosis* penetratio, apertio, & expulsio ad habitum corporis necessaria est, ibi aperientia, attenuantia, diuretica, tenuiumq; partium, quæ sunt, sese ad opus offerunt: ubi verò fluxiones deorsum ruentes sistendæ, vel alvi solutiones reprimendæ, ibi reprimentia, stiptica, repellentia, &c. quæ insunt officium faciunt. Idq; omne fit Naturâ & internâ virtute corporis hac vel illâ, prout corporis partisq; affectæ necessitas requirit, actuante, in actum vocante, ad opus impellente, &c. cujus ductu impulsivè hæ vel illæ partes medicamenti assumpti, quasi expurgatæ, impulsæ, cæteris contrariis in eandem cum illis societatem receptis non obstantibus, opus à se requisitum obeunt & absolunt, ut ita hujus actuan-
tis

eis Naturæ beneficio per Medicinam ex diversis con-
 stantem, medela perficiatur. Verumenimvero plenior
 erit hujus dubii enodatio, si, qualis hic sit effectuum contra-
 rietas attendatur. Occurrere actiones nil contrarium ag-
 noscunt, semper enim Theriaca Veneno resistit, & à Centro
 ad circumferentiam malignitatem abigis. Quoad pri-
 mas manifestas, semper quoque Antidotum hæc calida & sicca
 est, similemque his edit effectum, nec unquam observatum
 est per se frigiditatem ab eadem abortam esse: & hinc non
 possunt non secunde quoque à primis dependentes aperientes at-
 tenuare, incidere, penetrare: & tandem menses movere,
 urinam ciedere, calculum & urinam pellere. Et unde astri-
 ctoria vis, cum & alvi & mensium immoderatas actiones
 compescat? Nulla ratione à frigido, cum hoc adeo exi-
 guum sit in nonnullis, ut nil possit, reliquis calidioribus con-
 traoperantibus; ne dum ab astringentia facultate, cum ad-
 stringentia vix septenario absolvantur numero, & preva-
 leant contraria, nisi quis terrestrem & Salinam omnium
 ingredientium naturam iis associare voluerit. Rectius
 vero à Narcotico principio hæ operationes derivantur, cum
 ab eodem omnis fluxus quicunque, etiam ille sit in corpore no-
 stro figi & sisti possit: hinc & ut suo loco decebimus, notant
 vera & genuina Theriaca nonnulli in eo collocant, si nimis
 hypercatharsis s. superpurgatio eam assumptam sistatur: Inter-
 rim tamen & per accidens motus ille impeditur, si Theriaca
 beneficio subsequatur sudor, unde contrario inducto motu,
 prior ille cessat. His itaque præmissis existimo Naturam ab
 hac Antidoto roboratam id agere, ut non tantum genuinam
 exinde eliciat virtutem sibi ad propulsandum hunc vel il-
 lum affectum congruam, sed & suum jungere robur, & con-
 tra eundem insurgere, & pro viribus exterminare, hinc
 Narcotica & aperientia & alia agent diversimodè, ratione

diver-

41.

*diversarum sibi competentium Qualitatum: Nam tamen ut
aliis per se, aliis per accidens causa assignari possit.*

XXIX.

Occultæ Qualitates sunt eæ, quarum ratio
ex manifestis principiis deducinequit, & tripli-
ces dari possunt. 1. Est Alexiterica, quâ cuius
etiam Veneno dextrè opponitur. 2. Narco-
tica, commotos humores & ferocientes spiritus
figens, dolores sedans, Naturæq; inducias cre-
ans, ut hostibus nostris debellandis sufficere
possit. 3. Vis Balsamica internum nostrum
Balsamum respiciens, singularumq; inprimis
principalium partium facultatem roborans, ut
adversus vel ingruentes vel præsentis morbos
insurgat, eosq; expugnet.

*Quod in plurimarum rerum naturalium causis red-
dendis Talparum instar cacutiamus. nec non extremam no-
stram à τοῦδε τοῦτα sæpè cum ruboreprehendamus, vix
infirmitas ire poterimus. Satius itaq; erit cum aliis sapien-
tioribus & cordatis Philosophis ἐλεῦθερίως s. ingenuè suam
hic Infantiam ac oscitantiam fateri, quàm περὶ ἀληθείας ac
superciliosè rei absconditæ, mentisq; nostræ caput exceden-
tis, falsam cognitionem sibi velle arrogare. Quis enim
unquam Venenorum internam Naturam nobis explicare
potuit? introducunt hic alii Arsenicalem, Mercurialem.
Sulphuris immaturi & similem naturam; verum cum &
horum ipsorum interna indoles incognita sit, dubium per
aquè dubium explicatur. Ab Atomorum verò certa dis-
loca-*

47.
 locatione, figura & concursu hac dependere qui afferunt, nā
 illi mare difficultatum & dubiorum intricatissimorum no-
 bis obijciunt, quod dum ipsi nondum transfretarunt, præstat
 in portu imperfecta nostra cognitionis subsistere. Cur e-
 nim hoc antidotum illi Veneno opponatur. & Æraginem Co-
 rallia, Gypsum Muris stercus, Chamaleam Origanum, Nu-
 cem Vomicam citri cortex, Elleborum Nymphaea fls oppu-
 gnent vix ullus enodabit: sufficit Experiētiā ministrā ad
 eam nos devenisse cognitionem. Quod si verò quis sollici-
 tus sit, an. nim. Alexipharmaca contrarietate quādam
 internā veneno resistent? an robur addant Natu-
 ræ idipsum expellenti? Ei utrumq; locum habere posse,
 respondemus: pluribus de hoc acturi Aph. de Viper. Adoc-
 cultas quoq; proprietates refert Silvat. p. 269. quod animi
 morbos sanet, prudentiam & Ingenii acumen faciat, vi-
 taq; nostra tempus producat: Verum cum ea per accidens
 potius, inducantur, profligatis sc. maroris & Melancholia
 causis, roboreq; partium principalium addito, non immeritò
 ad tertiam classē referri possunt.

XXX.

Restat inter Causas FINIS, qui vel est
 Generalis, vel Specialis. Ille suggerit nobis præ-
 conium ipsius Iehovæ, cujus Omnipotentia, Sa-
 pientia & Misericordia rivuli ex hac ipsa com-
 positione promanant.

Innuat hoc ipsum Ethnicus ille Andromachus S. qui
 spondet, Imperatorem suum sanctis oblationibus supplicem
 Veneraturum Pœana propter hanc salutarem Medicinam.
 Quidni ergo nostri eris officii victimas laborum & cordis
 nostri devoti Iehovæ, Creatori Medicina immolare, pro be-
 nigna

43.
magna hac Antidoto deprecante ipsius 1. Omnipotentiam
ad abigenda quavis venena & mala sufficientem 2. Sa-
pientiam, in creandis efformandusq; tot simplicibus alexi-
pharmacis. 3. Misericordiam, in reuelandis hisce abstruso-
ribus, & benedictis eorundem, necessitate efflagitan: e usi-
bus. Hinc laus tua, ô Deus, semper in ore nostro. Tibi sit
gloria in sempiterna secula!

XXXI.

SPECIALIS vel est Primarius, vel Se-
cundarius: Ille est ut inserviat salutis generis hu-
mani, sanitatem præsentem conservando, ab-
sentemq; restituendo: unde Prophylacticus &
Therapeuticus ejus provenit usus.

XXXII.

PROPHYLACTICVS est, quando
ejus usu corpus nostrum ita disponitur, ut à nul-
la re noxia corruptionem pati possit.

Negare conantur nonnulli hanc Theriaca virtutem, &
tum demum proficuum & utilem statuunt eandem, ubi Ve-
nenum corpus nostrum afficit, cum Veneno resistendo & in
id ipsum agendo tantum dicata sit. Verùm longè aliter se-
serem habere & rationibus & Exemplis in usu speciali The-
riaca demonstrabimus.

XXXIII.

THERAPEVTICVS est, vel
Principalis vel Minus Principalis; Ille, quando
Vene-

Veneno vel assumto vel externe corpus no-
strum lædenti, variaq; symptomata inducenti op-
ponitur: Hic verò, dum etiam aliis sive Inter-
nis s. etiam Externis malis & symptomatibus eà
medemur.


*Ex Aphor. 2. insignes Theriaca utilitates colligun-
tur, quas tamen pluribus proponet specialioris usus tra-
ctatio.*

XXXIV.

SECUNDARIUS est, ut etiam bru-
tis animantibus s. Veneno s. alio accidente af-
fectis opem ferat.

Corpus humanum cum sit Medicina unicum subje-
ctum, ejus quoq; curatio tantum à Medico suscipitur, per
accidens tamen, auxilia homini conferentia, non sine fru-
ctu quoq; Bestiis, nostris usibus inservientibus, exhibentur.
Generosa hac Antidotus ob insignes virtutes homini tan-
tum sacra esse debebat; hinc & pro animalibus brutis The-
riaca diatessaron & similia parata sunt. His tamen nil
proficientibus ad Theriacam Andromachi confugunt, &
salutarem inde effectum consequuntur. Non tamen eam
usurpationem Abusum nominarim, cum & illa animalia &
necessitati & commoda & prosperitati nostra sapissime in-
serviant. imò plus interdum, quàm vel maleficienti homi-
nes, qui Lupinam Leoninamq; non rarò inducentes nati-
ram, ab hac Antidoto merito arcendi essent.





SECTIO SECVNDA.

de

Singulis in specie ingredientibus,
in sex classes distributis.

CLASSIS PRIMA.

De

TROCHISCIS SCILLITICIS.

CAPVT PRIMVM

DE SCILLA.

Aphor. I.

CAusis in genere expeditis, visisq; iis,
quæ ad generalem Theriacæ confide-
rationem faciunt, specialis confide-
ratio Materiæ, seu singulorum ingre-
dientium examinanda venit.

*Infelix non sine causâ censendus Medicus, qui dum
ad profligandos morbos quotidianis usibus Theriacam desti-
nat, quid tamen ea sit, ex quibus constet, & quam singula
ingredientia indolem obtineant, ignorat. Infelicior verò
is est, qui eandem componere, & tantum Alexiterium
extruere satagit, postpositâ ipsius materiei accuratâ explo-
ratione, & sedulâ investigatione. Cum enim exotica pluri-
ma sint, eaq; sæpius adulterentur, ita, ut teste Marant.
lib. 1. c. 15. etiam ij sæpè numero decipiantur, qui hâc in
parte exercitatissimi sunt; necessum sanè erit & oculis, &*

G

linguâ

linguâ & naso perlustrandô, gustandô, olfaciendô omnia rectè perferutari; ne dum ipsam Theriacam intendimus, aliud, & quidem vilius quid inde emergat. Hâc de causa & Gal. ipse l. ad Pison. c. 12. consulit, ne quisquam hujus Antidoti aggrediatur compositionem, antequam singulas medicinas (eò requisitas) diligenter exploratas in promptu habuerit, siquidem unius alicujus improbitas sæpè reliqua omnia corrumpit.

II.

Materiam specialem ad sex classes cum Andromacho referendam censeo, nil nisi doses proportionem respiciendo.

Antiqua licet non rarò optima, nonnullis tamen Necereticis rarò accepta, quibus nec ingredientium divisio ab Andromacho notata arridet. Verùm decus & ratiō ipsius formula exigit, ut à summâ dos ad minimas progrediamur. Notavit id Senior noster, & habitū ponderis ratione sextuplam proportionem retinere voluit, ita ut prima classis ingreditens esset Unciarum sex, secunda quodlibet Unciarum trium, tertia quodlibet sesqui-Uncia, quarta drachm. sex, quinta Uncia dimid. sexta quodlibet drachmarum duarum: peccant huic de ioro, quicunq; in confectione formularum medicamentorum à drachmis incipiendo in eodem seu radicum seu aliorum genere, mox Uncias, mox iterum drachmas, mox libras, mox scrupulos absq; urgente necessitate formula inserunt, sæpissimè id, quicquid in buccam venit, evomentes.

III.

Ad PRIMAM classem referuntur TROCHISCI

THISCI SCILLITICI ex Scilla preparata cum farina Orobi aut Radicibus Fraxinell. compositi, ut primario contra venena pugnent, secundo calefaciendi, attenuandi & abstergendi sua facultate inserviant.

Cur Trochiscorum, qui & Rotula, pastilli & orbiculati dicuntur, efformatio à Natura - Consultis excogitata sit, non sunt nullae rationes. Nec sine causa ab Andromacho iidem & hic locum merentur, & tam scillitici, quam viperini & Hedychroi excogitati: alias enim Virtus balsamica quorundam simplicium exhalando facilius periret.

2. Scilla & Vipera distinctis temporibus colligenda & preparanda efficaciam suam amitterent; illa enim tempore autumnali effodienda, ha vernali capienda.

3. Ut dum viva apud alios etiam longe distitos non capiuntur vipera, caro tamenillarum per Trochiscos commodè deferri posset.

4. Ut dum Hedychroi aliis quoq; deputati sint usibus, melius asserventur. Valeat itaq; sententia Pansæ qui tr. de 4. Antidot. p. 36. supervacaneum censeat & inutile, ut Trochisci efformentur, cum species preparata sufficere possint.

IV.

Tria hic in primis expendenda 1. Bina ingredientia, Scilla & Orobus seu succedaneum ejus. 2. Compositionis modus. 3. Vfus.

V.

SCILLA est herba bulbosa, folia albescentia emittens, caulem sesquipedalem & flores in summitate purpureos, eximiamq; radicem bulbosam obtinens.

Inter alias bulbosas prima meritis deferuntur Scilla & propter insignem magnitudinem, quâ reliquas omnes superat, & ob nunquam satis laudatam Virtutem, quam fovet, Germ. dicitur Meerzwibell q. Capa marina, cum ab aliis ad caparum generareferatur & ratione interna externaq; forma non multum inter se differant, ut differit Tadic. tr. de Theriac. pag: 162. &c. Differentiam nonnulli inter Scillam per i. & Scyllam per v. constituunt, & per Scyllam marinum testaceum piscem designant, ut refert Lobelius in advers. p. 57. vid. Plin. l. 33. Natur. hist. c. 31. verum alii id haud ita strictè attendunt; nam & ipse Theophrastus modò per i. modò per v. Scillam herbam notat, ut videre est lib. 1. Hist. plant. c. 7. 10. 16. lib. 1. de causis plant. c. 4. 7. & lib. 7. hist. Plant. c. 4. 12. & alibi. Varroni Squilla nominatur, quod nomen & Officina retinuerunt, Vide Carol. Clus. l. 2. rarior. plant. Hist. c. 21.

VI.

Hujus tùm Locus natalis, tùm qualitates ut & præparatio genuina perlustranda.

VII.

Locum natalem agnoscit in primis Hispaniam & Lusitaniam; his enim in locis crescens optima censetur, & inde ad alias remotiores deferretur oras.

In Apuliâ quoq; & Sicilia colligitur. Tripoli in tanta copia Scillas provenire scribit Tabernæmont. l. 2. Herb. c. 11. ut erata agmina insignia constituent. Inter alias verò causas, quibus nonnulli ad oppugnandam Theriacam extra Italiam præparatam, utuntur, Scilla quoq; col-
locat

locatur, cum ea alibi locorum non recens, quod Gal. desiderat, è Terra visceribus deprompta, adhiberi possit. Deinde, quòd, cum messis tempore excrecente jam Scapo colligenda sit, simul & solitaria secundum Mejuen rejicienda, tanquam minus apta, non alibi, quàm ubi locorum ea cre-
scit, id observari possit. Verum enim vero, cum radix hac adeò recens ad Nos deferatur, ut etiam Terra implantata, non tantùm in vigore suo detineri, sed etiam germinare possit; adhuc tempus prima effossionis in Hispaniâ notetur, ut & si hic vicissim effodienda sit, messis tempore id fiat, tandemq; ex illis, quæ non solitaria fuit ad Nos deferri debeat; utiq; non video, cur non ejusdem dici possit Virtutis ea, quæ ad Nos, ac ea, quæ ad Italos portatur, cum & illi Hispanicâ gaudere malint, & adverse rationes allata eosdem quoq; feriant. Adhuc cum succulenta est, non facile ad aliquot menses de viribus suis quid amittit, nam, Theophrasto lib. I. de caus. Plant. c. 4. recte, eadem suspensa germen emittit, aggregatum enim in se humorem multum habet. Accedit, quòd nonnulli transplantationem Scilla locum invenire censeant, dum venenosa ejus qualitas hac ratione eximatur, remanente eo, quod Alexiterium est, & quasi repagulis aliis semotis, sic exaltetur. Autor est Quercet. qui in Pharm. dogmat. p. 542. suadet, ut Scilla è maritimis locis ad nos delata in hortos transferantur, terraq; bona & exculta committantur, & per tempus aliquòd sedulâ adhibita culturâ & industria ibidem permittantur, donec vim venenatam omnem deposuerint. Ab hujus mente non dissentit Hortius lib. I. Epist. medicin. p. 403. vid. & Doring. tract. de Opio. c. 5.

II X.

Qualitates Ejus aliæ sunt manifestæ, aliæ

G 3

occul-

occultæ. Ratione illarum Scilla calida censetur in secundo gradu, quæ & ob acrem illam à Sale proprio possidentem facultatem insigni pollet vi crassos & lentos humores attenuandi & incidendi, obstructa aperiendi, cruda concoquendi: Hinc & in affectibus capitis frigidioribus, ut & pectoris, Splenis & Vteri apprimè utilis.

Dioscor. l. 2. de mater. med. c. 156. acrem & ferventem ei assignat vim, & quod in Hydropicis, Stomachicis, Jctericis, Tussientibus, Anhelosis & sanguinem rejicientibus prosit. Gal. 2. de simp. med. fac. admodum incidentem ei inesse dicit potestatem, non admodum tamen calidam, sed tantum secundi ordinis, cui & cum Actio tetr. l. 1. 1. alii quoque subscribunt; nam non tam à calore, ut vulgò statuitur, acrimonia & insignis urendi proprietas, quam à proprio sibi assignato salinis principio, eà accredine prædita, ut in Aro & similibus animadvertimus, dependet. Id non animadvertens Mesues l. 2. de simpl. med. purg. c. 5. calidam & siccam in tertio gradu Scillam collocat, & substantiam insuper dicit habere superficiariam, igneam, acrem admodum ac terream, adustione amaram, acream denique, mediocrem eamque, dulcem; Ubi & pluribus de Scilla virtutibus, capitis affectus, nervorum, juncturarum, pulmonum & Thoracis, nec non splenis obstructions & morbos respicientibus, putredinem in corpore prohibentibus, sanitatem conservantibus, juvenile corpus in vigore diu detinentibus &c. agit. Vid. & Plin. l. c. Gal. II. m. m. l. 1.

IX.

Occulta proprietas potissimum in alexiphar,

578

pharmacacâ Virtute, quâ venenis & venenatis
nonnullis effectibus succurrit, consistit.

*Commorsis à Viperâ in Cataplasmate cum aceto co-
ctam mederi vult Dioscor. l. c. Plin. etiam Canum mor-
sibus applicat. Utrum verò specificâ quâdam qualita-
te, an elementari Epilepsiam profliget, non sine cau-
sa dubitatur; nam in hoc affectu Scilla usum eximium esse
Prædici plurimi testantur, ut videre est apud Frambesiar.
Consult. medicin. p. 103. 108. Plater. tr. I. pr. p. 86.
& alibi. Sennert. lib. I. pract. p. 617. & alios. Ut ut
verò calore & incidendi facultate non parum in pituitosâ
constitutione auxilii præstet, nihilominus & quid specifici
contra auram illam malignam obtinere, cum insignis in eâ
adsit Signatura Capitis & cerebri, non negarem. Osculto
quoq; modo seminario pestilentiali opponi ex usu caparum
colligere est, de quò pluribus agit Tidis. tr. de Ther. p.
162. At hanc veritati consonum censemus, quod Theophr.
lib. 7. de Hist. plant. 12. refert, quòd ante portas sata re-
medium sit contra veneficiorum noxam; ut &, quòd sec.
Dioscor. ex Pythagora sententia, si rota præ foribus aut in
limine janua suspendatur contra veneficia auxilietur. Cau-
sam enim hic nullam subesse huius effectus quæq; videt, nî
forè attractivam quandam facultatem auram venenatam
ad se allicientem quis concedat. Haud dissimile quid Nostra-
tes Muliercula de Hyperico, Artemisia & alius circa festum
D. Johannis collectis occinunt, unde & Valvis adium eas
contra veneficia, inò ipsum Satbanam, affigunt; at quo
successu, eventus ipse docet.*

X.

Præparatio exigit debitam selectionem &
genuinam Coctionem.

Varior

Varia etiam extra usum Theriacalem ex Scilla parantur medicamenta, utpote Oxy mel scilliticum, Acetum Scilliticum & alia, de quibus videantur Dispensatoria & Praefici, imprimis verò de aceto Scilli, ejusq. usu agit Gal. l. de faciliè parabil. p. 248. cujus verba in Dispensat. August. p. 225. repetuntur: peculiaris quoq. tractatus de Aceto scill. Jani Match. Durantant. consuetur. Nos his sepositis, quæ ad confectionem Theriaca concurrat, dispiciemus.

X 1.

Seligenda est vera Scilla, alba, matura, recens, non nimis inveterata, tempore Messis collecta, quæq. ut volunt, non solitaria, sed aliis sociata fuit.

Genuina cum haberi possit, quid opus est, ut ad Pancratium, quod aliqui Scillam vocitant, & in defectu illius cum Gal. s. de simpl. med. fac. c. de Pancr. substituunt, deveniamus? superiori seculo id facilitatum esse ex Match. in lib. 2. Dioscorid. c. 168. in sch. constat. Convenit sanè utraq. Planta inter se tum quoad magnitudinem, cum nonnunc, Pancratium ferè caput hominis adæquet, tum quoad germinationem, quod hoc caulem floresq. prius gignat, quàm folia, æquè ac Scilla, referente Theophrasto l. 7. c. 12. differunt tamen, quòd Scilla testimonio Dioscoridis & Plin. aloes folium simile obtineat, Pancratii folia verò ad liliorum formam accedant: deinde quòd illa, iisdem attestantibus, ter in anno floreat, hoc verò non; tertio, quòd illa amaritudine, acrimoniâ & virium præstantiâ, quod & Gal. loco allegato voluit Pancratium vincat: Sed & alba, imò albißima Plin: expetitur, non quæ per coctionem talis evasit, sed naturâ suâ ita conspicitur, cum & rubra

bra detur, quatenus ob ferventis caliditatis excessum (quandò n. quid magis ad albedinem accedit, tantò à caliditate id secedere voluit Gal. 4. de simpl. med. facult. c. 27.) maioremq; amaritudinem seponitur. Qui verò recens usurpari possit iis in locis, ad quæ post aliquot demùm menses per Mare transfertur, non sine causâ quaeritur? Dicendum fortè, recentem tam diu esse, quam diu suo adhuc succo impragnata conspicitur; cum enim balsamica sit Virtutis, & multo Sale amaro abundet, haud ita faciliè vim suam amittet, sed diutius ea asservabitur. Nec dissimile quid in capis, ex Hollandiâ ad nos delatum, observamus, quæ etiam post aliquot menses Terra commissa, imò & in libero aer suspensa germinant. Cur solitaria postponatur, vix rationem video? Mesue venenatam hanc proclamant, suadetq; Marant. ut majoris securitatis gratiâ hanc admonitionem de rejiciendâ solitariâ non negligamus) forte quòd ob altarum consortium, ignea illa vû in singulis dispersa minor sit, in solitariâ verò abundet.

XII.

Coctio Scillæ sequenti modo peragitur: Scilla prædicto modo selecta, tunicis externis aridioribus selectis, pastæ panis fermentati, (non luto, nedum sævo, tum propter sorditiem, tum etiam ne Scilla in coctione malignitatem contrahat & rancida putrediniq; obnoxia evadat, monente Gal. 2. de Ther. ad Pison. c. 13.) involvitur, & cum pane perfectè coquitur: è furno exempta sigillatim omnes tunicæ detrahuntur funiculoq; trahuntur, inq; loco calido in

H

umbrâ,

umbrâ, quo radii Solares non pertingunt, exsic-
cantur. Cor medium, unde germen enasci so-
let, abjicitur, demùm contunduntur omnia &
in pulverem rediguntur.

*Modum hunc depingit Pontanus in consil. VVitich.
p. 602. quem desumpsit ex Gal. I. de Antidot. c. 9. & de
Theriaca ad Pis. Vestigiâq; hac legunt Augustani in Di-
spensat. Marant. & alii. Tria hic insuper dispicienda.
I. Utrum extractio, quam habet Quercetanus Pharm.
dogmat. p. 515. Galenicæ præparationi præferenda
sit? Ille enim acetum rosaceum Scilla superaffundit, quò
per fermentationem omne deponat venenum, deinde addit
lac vaccinum recens multum. sinitq; in B. omnia ebullire,
donec liquefacta sint, quæ per linteum colat, colaturam ad
lentum ignem cinerum sinit evaporare ad Extracti siccifor-
mam. Qui modus & Panse arridet tract. de 4. Antid.
p. 37. Verum enim verò nullum hic desiderabatur extra-
ctum, sed corpus ipsum in pulverem redactum, necn. ubi-
us locorum Extracta valent, cum plus emolumenti inter-
dum ab ipsâ substantiâ expectetur. Adhæc cur aceto infrin-
gere conatur vim venenatam, cum nulla venenosa qualitas
verè sic dicta Scilla insit, sed amaro Sale nimium abundan-
te potius peccet, qui tamen nec aceto corrigendus, nec lacte
mitigandus, cum maximam Theriaca adferat utilitatem.
Quæ tamen, si aceto Scilla paretur, vis ipsius medicamenti
exacuetur, docet Plinius. Deinde monet Quercet. l. c.
p. 185. & 461. ut Cor seu media Scilla pars asservetur;
quòd si verò per Cor intelligit internum illud, unde Germen
enasci solet, vexet subscribimus, cum & exiguum hoc ipsum
sit & plurima Scilla præter necessitatem ad trochisci unius
vel*

vel aliterius confectionem exigantur, adhuc majorem hac pars germinandi, quam venenis resistendi vim obtineat. Si verò per Cor internam illam substantiam, qua magis tenera est, & alii teste Marant. p. 70. medullam, alii Cor vocant, quæ foliis tribus aut duobus externis circumdatur, innuit, cum Andromacho facere videtur. Tandem monens, ne ferreo, sed ligneo cultro Scilla incidatur, forsè quod à ferro faciliè rubiginem quandã venenosam extrahere possit.

CAPVT SECVNDVM.

De

ERVO & SVCCEDANEO
EIVS.

Aphor. I.

Jungitur Scillæ in formandis trochiscis farina Ervi. Hic pensanda veniunt 1. quid sit Ervum? 2. Cur Scillæ jungatur? 3. quodnam aptius censeatur succedaneum?

11.

Ervum est semen Fruticis Ervi in siliquis proveniens, calidum in primo & siccum secundo gradu, amaritie suæ crassos humores incidens, extergens & ab obstructione liberans, venenatisq; simul moribus succurrens.

Ignorantia velo involutum ante hac tempora fuit; qualisnam frutex ervum esset; cum n. variis nomen hoc assignetur Planku, ut videre est in Pinac. Bauhin. l. 3. f. 3. P. 343. 344. 345. non mirum, quod alii pro Rovisione s.

H 2

Ervi-

Ervilia, alii pro *Cicerculânt* & *Mochio* venditârint, idipsum tamen ab his differre pluribus docet *Silvatic.* l. 1. de *Theriac.* composit. p. 43. qui & cum *Maranta* censet, verum *Errium* notis à *Dioscorid.* *Theophr.* & aliis descriptis probè respondens *Ferraria* & *Mantua* provenire & inde haberi posse. Dicitur & *Orobis*, παρὰ τὸ ἐπέκειναι τὸν βοῶν, quod *Boves* eo vescantur & saginentur. Frutex est, referente *Dioscorid.* l. 2. c. 131. exiguus, foliis angustus, floribus in candido ceruleis aut puniceis (teste *Fuchσιο hist. plant.* c. 218.) in siliquis parva gerens semina instar pisorum se invicem tangentia. De *orobo Pannico* consule *Clusium* l. 6. rarior. plant. c. 44. Qui illud ipsum antequam in farinam redigitur parandum sit, tradit *Dioscorides* l. 2. de mat. med. c. 102. & ex *Co-Tidic.* p. 166. de quantitate ejus ad efformationem trochiscorum necessaria pluribus disserit *Silvatic.* p. 46. & 48.

III.

Miscetur *Scillæ*, ut hujus facultas medicamentosa, quâ & Venenis resistit, simul & incidendi & attenuandi vi pollet, simili augeatur adhæc quod volatile in *Scilla* est, *Ervi* crassitie figatur.

Ut *Scilla* ita & totius *Theriacæ* virtutem adauget. *Ervi* farina. Non ergò absq. consilio & ratione ab *Andromacho* ea introducta fuit, multo minùs ut noceret, quod *Pansa* l. c. ei imponere voluit, qui farinam hanc removendam censet, cùm crassioris sit substantia, & vena inde obstructionem patiantur, vis *Theriacalis* impediatur crassiorq. & minùs efficax reddatur. Verum enim verò licet ipse *Dioscorid.* l. c. *Errium* capiti onerosum esse, alvum esu turba-

re, sanguinem per urinam ciere dicat. Gal. 1. de alim.
facul. 29. Boves ervo prius in aquâ dulcorato pasci. &
hominibus hand convenire statuat, tamen de crudo & qua-
renu pro alimento in usum trahitur seorsimq; usurpatur,
utiq; loquitur: Ubi verò cortex terrestris costione artifi-
ali removetur, & molita farinario cribro depuratur, aliis
terrestreitatem vincentibus permiscetur, nec pro alimento,
sed medicamento expetitur, ibi sanè, cur non usurpari pos-
sit rationes hand pragnantes video, inprimis cum venena-
tis moribus medeatur, & facultatibus suis Scilla non ad-
versetur. Quid? quòd igneitas Scilla, qua in Sale volatili
residet, & facile exhalare posset, terrestreitate Orobi ad-
huc dùm remanente, quasi sistatur & diutius conservetur.
Hinc & Rondeletius Scillam amarore Ervi à putredine
conservari censuit.

IV.

Succedaneum ejus malè alii medullam pa-
nis candidi, vel etiam Ciceres rubeos, verius
vel Fraxinellam vel Lupinos substituiimus.

Silvatic. quidem p. 46. hand opus esse offerit, ut de
alterius substitutione solliciti simus, cum verum Ervum in
Italia haberi possit, cum verò non ubi vis locorum id ipsum
reperiatur, nec ad nos in tanta copiâ deferatur, meritò de
genuino ejus succedaneo cogitare poterimus. Deffenius
referente Tadicæo p. 166. ex consilio Damocratis medul-
lam panis candidissimi seligit, Rondelet. tr. de Theriac.
scribit Pharmacopaeos solitos fuisse assum panem assumere,
quasi verò solam missionem Anàromachus tantum respexe-
rit, non verò qualitatem Scilla respondentem & Theriaca
inservientem. Ciceres rubeos selignant nonnulli cum No-
rin-

rinbergensibus, at minus concinne, cum facultates inter se
 haud parum differant. Hi enim in primo gradu sunt cal.
 & sicc. Ervum siccum in 2. Hoc veneno adversatur, illi
 minime; hoc insigni praeclum est amaritudine, illi, ut exi-
 guum possident amarorem. ita & reliquas infirmiores qua-
 litates. Augustani imitantes Gesnerum radicem Fraxi-
 nella, quae & Pseudodictamnus, Polemonium &c. Germ.
 Aeschwurzh dicitur pro succedaneo assumunt, nec male.
 Fraxinella enim calida & sicca est in secundo gradu, insi-
 guem obtinet amaritudinem adversus venenatos morsus
 & pocula infecta valet, in peste adversus contagium, do-
 cente Dodonzo in Hist. stirp. usurpatur, Epilepsiam pro-
 fligat, vermes necat, Ventriculor. conducit, ut pluribus ejus
 Virtutes delineat Tabernaemont, l. 2. p. 455. Hinc fa-
 cile quivis magnam hujus cum Scilla & Ervo convenienti-
 am colligere valet. Ea de causa & in Officina nostra Pan-
 tzeriana haecenus loco orobi farinam Fraxinella Medici
 substituerunt. Ut ut verò radix semini non respondeat, ta-
 men magis hic interna forma attendenda. Hinc Succedaneo
 equivalent, si non superant, Lupini hortienses (sylvestres e-
 nim, cum calidiores & magis amari, ab Ervi similitudine
 magis recedunt) qui Germ. dicuntur Feig oder Wickt ohs
 nen / nam in caliditatis & siccitatis gradu cum Orobo con-
 veniunt, amarum sapiunt, venenis resistunt, & venenatas
 herbas propè ipsos collocatas exarescere faciunt, teste Mat-
 thiol. putredinemq. cohibent, sicq. non parum utilitatis
 Scilla conferunt, & in Orobi locum commodè substitui
 possunt.

V.

Compositio Trochiscorum scillit. sic per-
 agitur: Scilla & Succedaneum in pulverem re-
 ducta

ducta invicem miscentur, & cum tantillo Vini summâ diligentia & ex arte tenelli & subtiles inde Trochisci efformantur.

Avicenna, Hal. & Serap. precipiunt, ut digiti Ministri efformantis pastillos hosce oleo rosaceo inuncti sint, cum farina suâ natura aspera haud dextrè seligi & facile digitis adharere possit. Quod verò Silvatic. c. 4. ut & ille vinum admiscet, id exigui esse momenti censeo: licet enim Andromach. & Gal. Vini non meminerint, nec alii rationem admiscendi Vini exhibuerint, tamen illud consilio fecerunt, cum omnibus notum sit, farinas sine liquore in Trochiscos abire non posse, & quemadmodum ad totius missionem Vinum experitur, ita & hi. Rationem suggerit ipsa necessitas, ut & vix à Vino expectanda. Utrum verò Scillitici ante Viperinos sint conficiendi, disputant inter se Marant. l. l. c. 10. & Silvat. p. 34. qui consulantur.

VI.

Vsus restat, qui primarius est, ut Trochisci hi contra venena venenatosq; morbos pugnent; secundarius, ut excalefaciendi, attenuandi & abstergendi virtute causis morbisq; contrariis adverlentur.

Cum Theriaca primario huic scopo inserviat, ut alexipharmacâ suâ potestate venena domet, venenatq; affectibus opponatur, talia quoq; ingredientia ei fuerunt addita qua hac facultate essent praeita, inter qua haud postremum sibi hi Trochisci post Viperinos vendicant locum, ut ex-supradictis censetur.

CLAS.

CLASSIS SECUNDA.

De
**TROCHISCIS VIPERINIS. HEDYCHROI, PIPERE LONGO
 ET OPIO THEBAICO.**

CAPUT PRIMUM.

De
TROCHISCIS VIPERINIS.

Aphor. I.

SECUNDÆ CLASSIS ingredientia sunt quatuor; duo composita & toridem simplicia. Illa sunt Trochisci viperini & Hedychroi; hæc piper longum & Opium Thebaicum.

II.

TROCHISCIVIPERINI constant ex carne viperinâ præparata, pane probè cocto & jussculo carnis viperinæ.

Trochisci hi Gal. Aetio & aliis Theriacales quoq; dicuntur, nonnulli Thiri seu Ferales, ut & Orbiculi ex viperis. Hos ipsos veneranda Antiquitas multis retro sæculis in hac usq; tempora primum constituerunt ingrediens & Basi Theriacalis compositionis, cum eximios & adversus venena & alia mala exhibeat effectus. Ineptè verò Schillerus in Epist. medicin. Scholtz. 92. illos omitti posse putat, quasi nihilominus suam Theriaca retineret efficaciam; nam & isipse parum sibi constans, Antidotum hanc adpersus viperarum morsus viperarum additione pugnare, paulo post subjungit.

Duo

III.

Duo hic inprimis expedienda i. in genere
Natura & Qualitates viperarum; Deinde in spe-
cie earundem captura, præparatio, Trochisco-
rum efformatio, horumq; usus.

IV.

Vipera est animal serpens venenatum, lon-
gitudine ut plurimum cubitali, capite presso, stri-
cto, collo angusto, crassitudine baculi, in cuius
dorso catena multis variegata coloribus conspi-
citur. Oculi truces, subrubri, fæmella quatuor,
mas binos possidens dentes: Virtutem & Ve-
nenatam simul & Alexipharmacam & Balsami-
cam intra se fovens eximiam.

*Sunt qui Viperas diſſas putarunt, quòd vi pariant, &
in partu earum viscera rumpantur & dilacerentur, quod
tamen à Veritate alienum observavit Amatus Lusitanus,
qui Cent. i. obs. i. testatur, gravidam Viperam à se in py-
xide asservatam, postmodum partus suos vivam atq; inte-
gram absq; omni noxa exclusisse illasq; permanſisse. Sca-
liger exerc. 201. se vidisse refert viperas enatas in lignea
quadam Circulatoris theca, parente salva. Monet in super
Amat. l. c. Arist. locum §. de generat. animal. c. ult.
malè à Plinio intellectum, nec n. illum hoc innuisse, quod
catuli interna viscera partiùs tempore rumpant, sed, quod
tantùm membranulas, quibus involvuntur; aut, ut habet
Matthiol. in Diosc. quòd qui tardiùs eduntur catuli (tar-
diùs autem idèò excluduntur, quod vipera singulos singulis
diebus pariat) membranulam quandam, quâ in Utero Ma-*

tris obvolvuntur. abrodant, ne citius in lucem prodeant.
 Rectius alii viperam. q. viviparam nominatam existi-
 mant, quod inter omnia serpentum genera sola vivos pariat
 catulos, unde & Nicander:

Sola etenim vivo gravidatur vipera fatu.

Mortua cum reliquam passim genus ova reponat.

Squammi gerosq. greges per inhospita resqua propaget.

Vid. Zacut. Lustr. l. 5. Princip. Med. hist. l. Comm. &
 Cælium. Rhodig. l. 6. antiquar. lect. c. 13. 16. & l. 23.
 c. 26. Græcis mas. dicitur ἐχίς, semina ἐχιδνα. Germ.
 Brandeschlangen / Ottern.

V.

Qualitates ejus sunt aliæ manifestæ, aliæ
 occultæ: Illæ consistunt in frigiditatis & siccita-
 tis gradu: hæ verò in Venenosâ, Alexipharmi-
 ca & Balsamicâ facultate.

Temperamentum aliorum serpentum, ita & Viperarum
 dubios reddidit Natura Consultos: hinc alii calidita-
 tem, alii frigiditatem eis assignant, omnes tamen ad unum
 in siccitate conveniunt. Cum Avicenn. Rhas. & aliis
 Aet. tetrab. l. sem. 2. c. 170. Paulus Egineta l. 7. 5.
 de viper. Viperas calidas esse affirmarunt, moti hisce, quòd
 carnes digerendi facultate polleant, oleumq. illarum, teste
 Gal. 2. de loc. affect. c. ult. maximè resolvat, quòd insignem
 vividitatem, agilitatem & ferociam præ se ferant, quòd
 symptomata nonnulla caliditatem quandam arguant. Hisce
 subscribit Zacut. l. 2. Hist. Med. princ. p. 660. Verùm
 Grevin. Claromont. l. 1. de Venen. p. 20. profrigidi-
 tate cum Gal. seqq. pugnat. 1. quòd serpentes, si manibus
 tractentur, etiam mediâ astate, frigidiores eas reddant. idq.
 seipsum

seipsum in febris quadam ardenti percepisse ; cum n. Serpente oblato manibus tractaret, instar glaciei frigidum quoddam sensit. 2. quia vipera minus sanguinis obinent, quàm reliqua animalia, ab illius autem abundantia caliditatem denominari in confesso est, 3. quia cutis earum dura est & densa, admodumq; solida, quò autem pellis alicuius animantis plus de laxitate & pororum angustia participat, eò plus etiam de calore. 4. quia voracia sunt animalia, parum bibentia, appetentiam a. frigiditate stimulari experientiam docere notat. 5. quia ob imminutum calorem frigus perferre nescientem per aliquot menses hyeme latitant. 6. quia absq; cibo tanto temporis spacio in Terra gremio, solo interno pabulo contenta vivunt, vult a. Gal. l. c. quòd animalia, quæ frigidiora sunt Natura per hyemem ob frigoris vim, ac si mortua essent, latitare soleant : subscribitur hisce Mercurial. lib. 2. de Venen. cap. 3. Alii ex symptomatibus post morsum apparentibus frigiditatem colligunt, Verum enim verò, si de naturali Viperarum temperamento, & quatenus ad hominem vel alia calidiora animantia referuntur sermo nobis est, frigidiores esse suo modo Viperas nemo negabis ; præter naturam verò, si irritata bile perfunduntur, exhalationibusq; calidioribus inquinantur, à frigiditate illaremittunt : nam & semella aliàs frigidiores incitata faciliè excandescunt flammamq; concipiunt. Deinde symptomata illa seu caliditatem seu frigiditatem arguentia, nullatenus à primis qualitatibus deducenda esse statuo, cum à Veneni Naturâ promanent. Quod verò Caro imprimis separata ab aliis partibus maximè resolvendi vi polleat, id à Sale sui generis & Bezoartica virtute ad ambitum corporis materiam internam promovente, proficisci haud obscurum est. Viscoso verò nutrimento, quo tot mensibus re-

creantur & sustentantur, abundant, in quod lenior, qui in illis est calor, mitius agit, donec Vere adventante vires sensim sensim recolligantur.

VI.

Venenata Natura ex lethalibus, quæ ex morfu ejusdem proveniunt, affectibus, certissime elucescit.

Quam varia & dira Symptomata à Viperino morfu oboriantur, exempla notata monstrant. Amat. C. 1. c. 1. puellam quandam lesam refert, quæ plurimas ac varias rubras ac lividas in parte lesa percepit maculas, successit vomitus biliosus, tremor totius corporis, Vertigo, animi deliquium. Paræus idem in seipso expertum esse tradit. 1. 20. Chirurg. c. 16. Grevin. de Pharmacopolâ quodam refert, qui similiter lesus vix horâ elapsâ insignem partis vulnerrata intumesceniam cum vehementissimo dolore percepit, sex horis verò elapsis vomitus amara bilis, totius corporis refrigeratio & similia successere. Nonnulla hæc paucis investiganda veniunt. 1. An somnus profundus, Congelatio sanguinis circa cor, caloris naturalis mortificatio, sudor frigidus & similia symptomata morsum viperinum subsequuntur, ut & quod vinum vehementiam veneni corrigit, frigiditatis principio adscribendum? Neutiquam, sed veneni, totâ substantiâ peccantis, ea est indoles, ut & hæc & alia frigiditatē arguentia pro diversitate objecti producat symptomata. Quod verò vinum alexipharmacam obtineat naturam, nec quâ calidum veneno viperino opponatur, alibi vincetur. 2. Quâ ratione æruginosa morfu affecti reddatur natura, & quidem illico, ut referunt Autores? Exiguum sanè bilis vul-

neri.

aeri infunditur, at id tanta est activitatis, ut non tantum
statim interfectioni tradat animalia, quod Baldus Ange-
lus experimento comprobavit (cum n. canibus & felibus
fel viperinum obiectisset, animantia hac illico interiére, at à
corde, Hepate & carnibus devoratis nil mali senserunt) sed
& massam sanguineam fermentando ita disponat, ut icteri-
cus illico subsequatur color. 3. An sitis vehementissima,
quâ vulnerati excruciantur à siccitate veneni prove-
niat? Id sanè plurimi affirmant, & exinde siccitatem Vi-
perinarum carniū adstruunt, at rectius à veneni qualita-
te & naturâ deducitur, cum tanta siccitas introduci neque-
at, ut immoderata illa sitis inde proveniat. Mirum verò,
quâ vipera post morsum ipsa excrucientur siti veneno aliis
communicato, an quod divina vindicta hanc ei indiderit
penam, quam pro malo homini inflicto ferre coguntur?
4. Quâ in parte deleterium hocce delitescat? Ut
plurimum animalia venenata certis duntaxat in locis Ve-
nenum sœvent, in cæteris verò ad varios usus prosunt, quod
de Dracone marino spinam tantum in dorso planè venena-
tam gestante, partibus cæteris cibum delicatiss. notū est. Ita
& Vipera certis tantum in locis venenū obtinet, imprimis in
vesiculâ fellis, unde duobus meatibus ad gingivas tumentes
seu dentium vesiculas idipsum derivatur, ibidemq. delite-
scens morsu partibus communicatur; quod & ob volatilita-
tem suam facillè caudæ & cuti extremæ scil. partibus, quæ
exinde venenata evadunt, deferri potest.

VII.

Alexipharmaca Virtus in potioribus Vi-
peræ partibus hospitatur, quæ felicem in expel-
lendis malignitatibus & venenis, & ab iisdem
præservandis spondet effectum.

*Diversimodò contraria in uno eodemq; Subjectoratio-
ne diversarum partium & principiorum relidere ex s. l.
aph. 28. Gal. I. de simpl. med. facult. c. 21. & 24. & l.
2. c. 13. l. 3. c. 14. & 15. l. 4. c. 37. Langio l. 2. epist. 33.
Trincavell. epist. 24. & aliunde manifestò liquet : Hinc
& animalia venenum tantum in aliquâ sui corporis parte
foventia, Balsamum simul, quo tutò contra venena uti licet,
possident. Scorpii scitum, Scorpius impositus sanat : Oleum
Scorpionis certissimum esse alexiterium contra Scorpionis i-
ctum & alia maligna cum experientia loquitur Paracelsus l.
20. Chir. 22. vid. & Matth. l. 3. in Dioscor. c. 11. Cels.
l. 6. c. 17. Licet verò in vesicula felle Vipera quid delecte-
rii contineant, reliqua tamen ferè singula partes quid salu-
tare. Cor viperarum ad Solem exsiccatum & pulverisatum
Veneno adversari & ex corpore nostro eliminare asserit
Noll. prodrom. Phys. p. 52. Ictus earum coctum & as-
sumtum immunes reddit à Serpentum icu teste Caelio
Rhodigino l. 6. lect. antiq. c. 116. Spina ut & pinguedo
ab aliis in medicum usum trahuntur. Ex cute exsiccata &
s. a. pulverisata elegans sit remedium in vulneribus à viru-
lentis bestiis inflatis, ut & cancriosis & malignis ulceribus.
Quantum Virtutis carnibus viperinis insit, infinita testatum
faciunt exempla. Gal. II l. I. de simpl. medic. facultat.
c. 2. & lib. de subfigur. Med. c. 12. eas contra morbos ma-
lignos & ferè desperatos utiles esse refert : Curatione diu-
turnarum morborum eas de inervire tradit Zacutus l. I. princip.
med. hist. p. 589. Aetius tect. 4. s. l. c. 123. docet, quosdam
viperas totas extendere, exsiccare & postmodum terere, ac
eas in potu contra morbum articulare exhibere : Incre-
scentes strumas esu viperarum reprimi ex Dioscor. l. 2.
c. 16. constat ; Hinc Fallopius de tumorib. p. n. c. 9. sic
inquit :*

inquit : Sive carnes viperinas coctas edas, iuu potes, aut co-
strumosam partem laues, aut vinum assumes, in quo ipsa fue-
rint extincta, vel Martios panes aut Pastas regales. adje-
dis pulli aut Caponi pectore, saccharo, amygdalus aut Zingi-
bere permixtus, ultimum & efficacissimum prostrum aliis
cutaneis affectibus experieris auxilium. Vini viperini effi-
cactam in pellendis strumosis & gallicatis affectibus depra-
dicat Mercat. l. 2. de morb. Gall. c. 9. Veram autem esse
antidotum contra elephantiasin Historia sum à Gal. l. c. ut
& lib. 2. ad Glauc. c. 10. sum ab Æginet. l. 4. de remed.
c. 1. ut & aliis allegata confirmant. Nec est, quod hic more-
mur Palmaris objectionem, quod nec Ipse nec Fernel. à Vipe-
ris, quocumq; modo preparatis, Elephantiacos curatos vide-
rint. Tot enim Historiis, curationibus, experientiis à Me-
dicis notatis dicam scribere arrogantis impudentia & im-
pudentis arrogantia signum esset, fortè enim vel insanabilis
erat illa elephantiasis, vel non comoda Viperar: preparatio.
Gallo cuidam leproso imperatum à Medico Gattinaria, ut co-
mederes carnes viperinas, quod cum facitasset, primitus qui-
dem accidentibus variis fuit obrutus, at mox diversis bubo-
nibus per partes corporis obortis & ad saniem deventis, o-
primè curatus & restitutus fuit. Deniq; carnes venenu ve-
nenatiusq; morbis resistere omnes Medici uno ore loquuntur.

III.

Balsamicam Virtutem, balsamo nostro
naturali maxime congruam, Viperis inesse &
Natura illarum & effectus docent.

Duo sunt, quibus veritas huius apher. fulcitur I. Na-
tura Viperarum, cum n. renovandi & restaurandi faculta-
te polleant, & quotannis bis, Vere scil. & Autumno, anti-
quas

quas suas deponant exuvias, rectè exinde colligimus, *Athe-*
rium quoddam Balsamum is inesse, cuius Virtute id, quod
 pluribus animalibus denegatur, perficitur. Ineptè autem e-
 lementaribus qualitatibus aut certè earundem missioni
 quis acceptam ferret tantam potestatem, tantam facultatem,
 multo minùs forma alicui speciali, quæ alteri Subiecto com-
 municari baud possit. 2. Effectus per experientiam confir-
 matus; Virtutem n. illam renovandi Balsamo naturali, in-
 primis Mumia inhaerentem aliis imprimi posse viperarum
 esu & usu sequentia docent. Solenand. l. 1. consil. 25. li-
 teris consignavit, implumes evadere pullos gallinaceos post
 usum continuum Decocti carnis Viperinae, successu tamen
 temporis plumis rursus vestiri. Silesius quidam post usum
 pulveris Bezoardici animalis prophylaxeos gratiâ assumeti,
 singulis postmodû Periodis vernalibus excoitationem quan-
 dam non sine pruritu totius Corporis sensit, nova illicò suc-
 cedente cuticulâ, & viribus vegetioribus redditus, cuius &
 Clar. Olhaf. in disquis. de Seminariis, p. 3. disquis. 2.
 meminit: alius haud dissimile contigisse prodiderunt Medi-
 ci. Huius Balsami Virtute balsamum nostrum radicale exal-
 tatur, roboratur, conservatur, fovetur, & ad expellendos
 morbos mirum quantum disponitur. Dioscor. l. 2. c. 16.
 corpus nostrum in vegetâ permanere constitutione, longa-
 vitatemq; usu viperarum succedere, meminit. Hinc cum
 Crateri antiqui Medici seruo, caro tota ab ossibus abiret, &
 caetera remedia nil opis attulissent, periculo inventa vita
 fuit, cum à Vipera mors quereretur, ut ex Petro Victorio re-
 fert Heurn. l. 2. meth. med. p. 59. Clar. Nicol. Olhaf.
 Med. Gedan. Reip. ordin. in epist. quâdam ad me exaratâ
 prædictorum fidem facit; Magnam enim Florentia Duciss
 savi, Aviam moderni Magni Lucis Florent. Ferdinand. II.

in decrepitâ atate vegetam adhuc & firmam esse, scribit, idq. adscribi, quod Capus, qui bolus ex pane similagineo & car- nibus viperinis paratis vesebantur, ferè quotidie nutritur. Viperas coctas & comestas ad visûs alacritatem, ad robo- randos nervos debilitatos, ad inhibendam scrophularum generationem plurimum conferre, testis est Dioscorides. An- tonius Musa Caesaris Augusti Med. cum incidisset in ulcera insanabilia, viperas edendas usurpavit, & mirâ celeritate ea persanavit. Imò hac ipsâ simul balsamicâ facultate ro- boratam Naturam ad expellendum virus Elephantiacorum insurgere, haud à veritate alienum est. Innuit id Vid. Vi- dius p. 2. medic. s. 2. l. 5. c. 8. Viperam totâ suâ substantiâ efficere id, ut extrema pars affecta, quasi serpentum senecta resolvatur & decidat. Quercetan. balsamicam hanc Vir- tutem expungere videtur in Pharm. dogmat., eo quod tro- chisci inde parati seipso adversus putredinem haud defen- dere possint. paratientim quotidie vertuntur, balsamog. alio inunguntur. Verùm constantiam dictorum à Quercetano desidero; paulò ante enim Balsami Etherei radicalis in Vi- peris existentis potestate renovationem illam fieri statuerat. Verùm & aliis Mumis, quibus similis vis balsamica non de- negatur, idem contigit. ut aeri exposita faciliè putrescant. Brutorum carnes, ut nil de humanâ dicam, quibus quotidie ad roborandum balsamum innatum fruimur, putredo, in- primis tempore calidiore, faciliè corripit, nemo tamen balsa- micam facultatem iis denegabit. Quid verò alii ex Dioscor. proferunt, quasi usu carniam viperinarum pediculi in cute procreentur, cui & Gal. non contradicit, dùm II. simpl. med. facult. c. 2. certò iis accidere id asserit, quibus pluri- mum mali succi in corpore exsuperat, id sanè vix tanti est, ut dignitatem balsamicam Viperin. carn. infringere possit. Nam ut ex aliorum relatione id Dioscorid. allegat, ita pro- pria censura ridiculum exclamat. Gal. a. faciliè assentimur,

quod scil. sanis id non eveniat, sed Cacoehymia turgida, ande alexipharmacâ Virtute vitiosi à centro ad circumferentiam propellantur humores, qui in Cute subsistentes in dispositu vermiculos procreant. Nonnullis populis viperin. carn. in quotidiano sunt usu, viperisq. it. ut nos anguilli, vescuntur; animalcula tamen ejusmodi pedestria apud illos conspicis, nemo Autorem tradidit.

IX.

Hinc indubitato inferimus: Viperas, non quatenus venenum aliquod intra se foveat, sed quatenus alexipharmacum seu balsamicum quid obtinent, ad Theriacæ confectionem adhiberi.

Quem ob finem Andromachus Senior Viperinas Theriacali compositioni admiscerit carnes, non una est omnium sententia. Sunt qui ob veneratam, quam possident, facultatem, eas facilitatem autumant; Vel, ut habet Marant. & Thom. Jord. de pest. phænom. ob similitudinem quandam, dūm venenatae carnes viperina alia venena assumpta s. infusa analogiâ quādam sympatheticâ desiderant & perunt, sicq. alexipharmaca carnibus permixta, manu q. ducunt ad alia expugnanda; vel ob contrarietatem, quâ venenum veneno adversatur. Ita Plin. l. 27. natur. hist. c. 7. asserit, hominem veneno infectum liberari, si aliud venenum sapius assumeret, eāq. de causa pulverem Serpentum, Doronicum, Vomitam & similia intra corpus propinari, ut venenum à veneno sibi contrario expugnetur: Ea est, inquit, Aconiti natura, ut hominem ascidat, nisi inveniat, quod in hamine perimat, cum eo solo conficiatur. velut paritius invento. Sola hac pugna est, cum venenum in visceribus reperit, mirumq. ex utraque ambo cum sint, duo venena in homine commorantur, ut homo super sit. Vid. Joubert. Decad. 2. paradox. 13. p. 145. Verum enim verò nec tantum

tillum veneni carnibus viperinis per se inesse ex suprad.
 constat. Quod si quid deleteria qualitatis adhuc dum re-
 tinerent, quæ Theriaca præfer rationis gratiâ assumi posset,
 cum nullum in corpore existeret venenum, quid vel simili-
 tudine vel contrarietate quadam ab eadem expugnari pos-
 set? nonne venenatum medicam. nostra natura adversum
 esset? nonne venenum veneno additum augmentum cape-
 ret, negotiumq. Natura faceretur? Sed & Sales Theriaca-
 les, Trochiscoq. Viperinos per se in usum medicam venire,
 nemo inficias ibit, quæ si veneni essent stipata, ipsissimam
 mortem, neutiquam verò salutem, adferrent. Cl. Tiddicus
 craft. de Theriac. p. 126. hanc fovet sententiam: Carnes
 scil. viperinas, tanquam Natura humana adversas. stimu-
 lum quendam Natura medicatrici addere, ut eo fortius ad-
 versus venenum receptum insurgat, ejusdemq. expulsionem
 studeat, imò, ut eo alacrius & potentiùs alexipharmaca in
 actum deducantur, mentemq. in super suam explicat & declarat
 usupurgantium medicamentorum, quæ similiter stimuli qui-
 dam Natura sunt ad expellendum noxios humores. Sed &
 huic sententiæ non parum difficultatis subest. Primò n. si
 caro viperina Natura nostra adversa est, duplici ea post in-
 gestionem ejusdem obruitur malo, & à Toxicò accepto & à
 carne viperinâ adversa, unde non potest non malum, quod
 imminui debebat, augeri. Deinde adversum illud vel in
 manifestis vel occultis residet qualitatibus, in illis non, quia
 nulla excedens in viperinis reperitur carnibus; hæc verò sunt
 & Bezoardica & Balsamica, natura nostra maximè arri-
 dentes, & eidem contra Toxicum familiaritate quâdam
 succurrentes. Tandem in adversum illic Natura neuti-
 quam aget, cum ipsam potius fastidiat: at viperinas car-
 nes ita attriat, ut sibi easdem familiares reddat, inq. succum
 & sanguinem convertat. Similitudo illa cum catharticis
 nulla est, quâ ratione enim hæc operationem suam exerceant

alibi demonstratum. Concludo itaq; statuendo, quòd Alexipharmacum illud, quod carnes viperina possident, innatâ sibi proprietate venenum à corpore susceptum invadat, id ipsum oppugnet, & si viribus superius sit, simul expugnet. Balsamicum verò Naturam nostram juvet, roboret, confortet, quò contra venenum simul insurgat, sicq; vim Alexipharmaci exaltet, venent verò infringat & imminuat: Eâ facultate specificâ omnia partibus morbo affectis dicata & præcipua morbificum & Naturam nostram respiciunt, illud debellando, hoc roborando.

X.

Captura Viperarum singulari in Italiâ peragitur artificio, fitq; imprimis ad Veris ferè finem, & non nisi foemellæ reservantur, & prægnantibus abjectis, illæ seliguntur, quæ ætatis sunt integræ & optimi vigoris.

Hic dispendium: Primò; Cur Viperæ aliis Serpentum generibus in confectioe Theriacæ fuerint prælatæ? Rationes seqq. dantur, 1. quia illa respectu aliorum serpentum minùs exitialem possident facultatem; in Dipside enim Basilisco, Dryino (quem adeò venenatum proclamant, ut pedes eundem calcantium excoriet, & crura intumescere faciat) Hamorrhoo, Marasso, Cenchride, intensius est venenum & perniciosius, testibus Gal. de Theriac. ad Pison. c. 5. Marant. p. 8. Silvatic. p. 12. 2. quia quidam Serpentes toti venenati, nec tantillum laudabilis & medicati succi obtinent. 3. quia experientia magnam Viperis inesse vim alexipharmacam multis abhinc seculis edocuit. Secundò: An non Colubri nostri substitui possent? Non inefficaces & illi sunt in pellendo veneno, quod pulvis ille Bezoardicus animalis dictus satis superq; comprobat, nam & præservationis & curationis gratiâ tutissimè, ac non sine fructu
asur-

asurpatur, ut in primis videre est apud Conradum Medull.
destillat. part. 2. tract. 27. Quercetan. Alexicac. l. 2. c.
5. Unzer, tr. de Pest. Conveniunt insuper in eo cum Vipe-
ris, quod suas quotannis quoque deponunt exuvias. Nihilomi-
nus tamen cum Cl. Horst. l. 4. epist. medic. s. l. p. 402. à
viperarum usu non facile discedendum dixerim, tam quod
Antidotum Theriacale in Prussia confecta mox alia dicere-
tur ab illa, quæ Venetiis & Patavii paratur, quam quod An-
dromachus & post ipsum alii prænominatis de causis vipe-
ram præ reliquis speciebus selexerint. Ipse quoque Quercet.
Pharm. dogmat. p. 55. asserit, minimum esse dubium, quin
præstantioribus Vipera polleant Virtutibus, quam alii Ser-
pentes. Eâque de causa Veteres summo cum emolumento me-
dicamentis ex Viperis paratis usi fuerunt, ut ex Theoph.
Dioscorid. & aliis patet. Videantur Aetius libr. 4. s. l. c.
97. Dispens. August. p. 212. ubi Sales Theriacales descri-
buntur. Tertio; Utrum Vipera in Prussia nostrâ repe-
riantur, & exinde trochisci formandi? Certum est, hic
locorum quoque dari Viperas. Ante annos aliquot Experien-
tissimus Casparus Pantzer Sen. p. m. in publicâ Theriaca
dispensatione, binas omnibus astantibus conspiciendas exhi-
buit vivas hęc captas. Et cum Vipera morfu ledant, non
nisi à Vipera & quidem femellâ Rustico ante triennium qua-
tuor fuerunt inflata vulnuscula. Nostrates tamen hanc sub-
stituendas esse censerem, cum maritima hæc sint loca, multo
Sale vitriolato abundantia, unde major exsiccandi facultas,
imò ipsius virulentia augmentum pertimescendum. Quar-
to; Utrum Veris initio capta præferenda? Has non-
nulli præferre malunt, verum, quia tunc demum latebris re-
lictis foras in apertum prodeunt, & sentium multis fuligini-
bus excrementis intra terra gremium conceptis, refertum
sit, potius Aere & consueto cibo eas aliquandiu recreandas
esse statim cum Hercule Bonacostio de Therias.

XI.

Præparatio primum quædam præmittenda
exigit, deinde ipsam coctionem subministrat.

XII.

Præparatoria præmittenda coctioni in iis
consistunt, ut viperæ captæ ad locum destina-
tum deferantur, extremitates earundem, caput
scil. & cauda debite amputentur, pellis, ut in
anguillis detrahatur, pinguedo, ut & viscera in-
terna, nec non fel ipsum eximantur & remo-
veantur; Caro residua bis terve, ut Aetius, vel
sæpius, ut Haly voluit, aquâ purâ fontanâ nul-
lo adjecto Sale abluatur & depuretur.

Seplastarii nonnulli Theriacæ compositionem emulantes vi-
peras captas servant, sec. Matth. in quæst. med. p. 124. donec iustâ
quantitatem acceperint: modus ille à Senatu Veneto rejicitur, non
tâm; quòd dum alieno & iniustato pabulo nutriuntur, proprias na-
turales vires deperdant, ut idem opinatus est, quàm quòd ob dene-
gatum liberum motum & aerem coarctatum plus excrementorum
& veneni colligatur, minusq; aptæ tum reddantur. Hinc cum Avi-
cen. Aeginet. lib. 1. de re med. c. 15. ut & aliis. recenter captas vi-
peras sumendas monet Quercet. dogmat. Phar. p. 510. Circa de-
truncationis terminum litigant inter sese Medici; Pauch cum Ma-
rantha respondeo, ad quatuor digitos & non plures caput & cau-
dam amputari debere, idq; si grandiores fuerint, minoribus minus
quoq; auferendum. Errant verò. qui Gal. contradictionem affine-
gunt, & ex l. 11. simpl. med. fac. titul. de Vipervis, caput solum non
caudam esse colligunt; nam ibidem loci dubitanter potius hæc de re
differuit, ex professo verò lib. de Theriac. ad Pil. c. 9. & l. de An-
tidot. c. 8. ubi utramq; partem amputandam esse voluit. Vid. Za-
cut. l. 1. de princ. med. hist. 84 p. 589. Cur verò caro tantum ab
Andromacho fuerit assumpta, non verò aliæ partes, satis ex ante-
cedentibus liquet.

Coctio

XIII.

Cocctio ipsa peragitur, dùm carnes ablutæ & depuratæ aquâ affusâ in vase novo fictili, anetho & Sale adjectis, substrato igne & carbonibus quernis, vel etiam Vitium sarmentis eousq; coquuntur, donec â spinis commodè separari possint.

Cocctioi carnis viperinæ dicam scribere eamq; planè inutilem esse affirmare haut erubescit Quereet. Pharm. dogmat. p. 569. ex. istimans, illâ Virtutem carnis primam & substantificam penitus cum iusculo confundi, carnisq; vix dimidiam partem, vel tantillum solummodo restare, & hinc ipsos inde formatos Trochiscos adeò facile putredini esse obnoxios, ut, nisi alterna & frequens illa de uno latere in alterum scederet versio & desiccatio, momentaneam facile incurrerent alterationem & destructionem. Obijciunt alii, vim Bizarardicam in carne hospitantem cocctione evanescere & perire. Admiratione me herclè vix caret, quâ de causa antiquitati ita contradicatur, quæ nec ratione nec experientia destituta tale quid attentavit; salutarem & planè admirandum trochiscorum horum ex carne paratorum usum in curandis plurimis morbis tot secula testatur, nec contrarium in medium adferri potest. Et quotusquisq; est, qui non intelligit, aliæ xipharum illud in Mumiâ viperinâ delitescens, et esse fixum, ut nullâ unctione, aut calcinatione, nedum cocctio- ne annihilare possit? Nonne Sales Theriacales ex combustis parantur? At quantæ Virtutis, quantæ efficacie! nonne ex leviter calcinatis Colubris pulvis Bizarardicus animalis conficitur? Adhæc & Coquis notum est virtutem alimentarem cocctio non perire, sed potius ita preparari, ut caro idoneè cocta à calore nostro actuata facilius innatum suum balsamum suppeditare possit, & licet aliquid relinquatur iusculo, potior tamen & fixior pars ipsi remanet carni, quæ & in contusis & expressis vix totaliter elicitur. Quod verò Trochisci facile alterationem incurrere possint, huic in supradictis satisfactum puto. De his, quæ inter coquendum addi solent, ut & de Salis adjectione consulatur Marân. p. 210 211, ut & Tidic. p. 152.

Tor.

XIV.

Trochiscorum efformatio sic peragitur: Carnes coctæ & à spinis separatæ, paululum ventilantur, mox in Mortario solido exactè conteruntur & in pulverem rediguntur, tandem cum pane probè cocto & comminuto, adjectâ exiguâ jusculi viperini quantitate, in Trochiscos tenues & parvos rediguntur, sicq; in loco commodo de die sapiùs vertendi asservantur.


Sunt, qui nil panis adhibent, ut ex Nicol. Mireps. l. 22. c. 4. videre est: Alii contra mentem Gal. & aliorum antiquorum Medicorum azymum admittunt, ut ex Amat. Lusit. C. 2 curat. 55. constat. De hoc tamen ut & quantitate panis videatur Tiddicus p. 146. nec non Marant. & alii. Vnicum hic monendum, quòd Trochisci Viperini ex Italia ad Nos delati satis vegeti sint, & commode usurpari possint, si enim dextrè asservantur, etiam ultra annum, Gal. teste, in vigore permanent.

XV.

Vsus Trochiscorum restat, qui est, quòd primariò omnibus venenis & Serpentum moribus, Viperæq; inprimis efficacissimè adversentur, balsamicâq; suâ Virtute non tantùm Naturæ nostræ robur concilient, sed & eandem in expellendis & curandis morbis cutaneis multum juvent. Secundariò excalefaciendi, exsiccandi, attenuandi, & valenter digerendi facultate polleant.

Hec omnia ex antedictis constant; Facile ergò hinc quies colligere poterit, cur ab Andromacho viperinæ carnes ad Theriacæ confectiōem selectæ fuerint?





CAPUT SECUNDUM

De

TROCHISCIS HEDYCHROIS.

in genere, & in specie de ASPALATHO
& MARO.

Aphor. I.

VHis Trochiscis Viperinis; alterum Trochiscorum genus examini subjiciendum venit; sc. HEDYCHROI, qui sunt compositio odorifera ex variis aromatibus debite præparatis in pastillos siccos formata, ut & Theriacali, & aliis inferviret usibus.

Variis compositum hoc insignitur nominibus. Nam & Pastilli, & Rotulae & magma (quod Galen. fecem myrobalani 7. de compos. med. s. g. c. 7. & Plinius 13. N. H. c. 2. fecem unguenti appellavit; à μάστωρ subigor: vel, ut alii censent, à μύστρον & μύστωρ misceo, confundo, hinc μάγμα q. μύγμα mistura, unde unguentum omne seu spissamentum pauculo liquore subactum, ut non diffluet, dicitur μάγμα) & Pastæ Hedychroæ dicuntur. Malè tamen, ut vult Delsen. Cronenburg. l. I. de compos. med. p. 20. quidam Trochiscos hocce Halicarotites aut Aridaracarum, barbarè appellarunt. Nec minus ridendus ille à Galeno I. de Antid. c. 10. nota-

L

rus

rus Medicus Romanus, qui Hedychroon tanquam simplicem herbam quandam à seplasiariis petebat. Dicuntur autem ἡδυχρόον ab ἡδὺς suavis & jucundus & χροῖα s. χροῖα color, quod suavem & gratum exhibeant aspectu colorem, vel etiam, quod ejus legitimum usum grata excipiat sanitas, cum colore corporis florido & jucundo.

II.

Horum consideranda primùm Compositio, deinde Vfus: Illa vel in Genere formulam & præparationem; vel in Specie singula ingredientia pensitanda proponit.

III.

Formula consueta hæc est.

℞. Aspalathi, Asari, Mari
Amarac. an. Dr. ij.
Calam, aromatic. Schenanth. Costi.
Phu Pontic. Cinam. Opobals. Xylobals. an.
Folii, Nardi Ind. Cass. Myrrh. Dr. iij.
Croc. an. Dr. vj.
Amomi Dr. xij.
Mastich. Dr. j. Vini Falerni. q. s. Misce. F.

Trochisci.

Veteres Medici diversarum Trochiscorum proposuere descriptiones, ut ex Gal. I. de Theriac. ad Pison. & I. ad Pamphil. de Usu Theriac. nec non ex Aetio tetrab. 4. ferm. I. c. 89. Palmam tamen obtinuit ea, quæ I. de Antidot. c. 10. describitur, & à nobis exprimitur, nam ab Andromacho continuâ serie ad alios devenisse, & propagatam esse ibidem legimus.

Præparatio talis est. Arida contunduntur & cribrantur, Crocus cum Vino in pilo diligenter dissolvitur. Myrrha deinde & Mastiche adjectis probeq̃ mistis oleo ex nuce myristica irrigantur arida. Viniq̃ ea quantitas affunditur, quæ ad spissamentum efficiendum sufficiat. F. magma: ex quo deinde pastilli efformantur tennes in umbra exsiccandi.

Ita hosce præparari vult Aëtius. l. c. cui & alii subscribunt: vide ulteriorem præparandi rationem apud Bauderon. Pharmacop. l. i. f. 9. p. 193. Quale verò Vinum seligendum sit pluribus differit Silvatic. l. 2. de Theriac. p. 84. Dissiciendū v. Ultrum insignis in eo cōmittatur error, quod ex speciebus hisce Trochisci efformētur? Ita quidē vult Panfa Tract. de quatuor Antidot. p. 38. idq̃ propterea; 1. quia inanis & superfluus est labor, dū primum formātur Trochisci, mox formati ad Theriacæ usum denuò in pulverem rediguntur. 2. quia repetitâ pulverisatione non parū virtutis & efficaciæ perit. 3. quia plurima, quæ Theriacam ingrediuntur, hanc quoq̃ compositionem constituunt, potuisset potius dosi ingredientium illorum augeri. Verū sine ratione hanc sibi in Andromachum & alios sumit censuram Panfa, cum non sine causa Trochiscorum efformationem desiderarit Andromachus sc. ut & aliis usibus inservirent s. etiam ad hanc usurpationem ad manus essent. Et quis ille superfluus labor, ubi majus commodum expectandum? Nec quicquam de viribus perit inreperita pulverisatione, ubi hæc debitè instituitur: Et licet dosi nonnullorum potuisset augeri, aliter tamen Andromacho visum fuit: Quæ de causa & celeberrimis Medicis Trochisci hætenus in usu fuerunt.

Ingredientia sunt vel Communia vel Propria: Illa sunt, quæ ad Theriacæ quoq; compositionem aliàs concurrunt, & suo tempore consideranda erunt: Hæc sunt septem. Aspalathus, Asarum, Marum, Amaracus, Calamus aromaticus, Xylobalsamus, Mastix.

Quis non infelicem Artis Medicæ rationem detestatur? is enim circa simplicium historiam est dissensus, ut vix unum aut alterum dari possit Theriacale ingrediens, quod non in dubium à plurimis vocatum. Causas puto 1. quòd nimium Theophrasto, Dioscoridi vel Plinio antiquis Vegetabilium Scriptoribus sit tributum, ita ut religio nonnullis esset, vel latum unguem in manifestis contrariis recedere. 2. quòd rarius frequentata navigationes tum materiam ex Indiis petendam iis denegarint. At cur Autoritates veritati præferendæ? nunquam sanè Hippocrates in eo apud Galenum fuit censu, ut tantum dicenti crederetur, non v. cum ratione quid differenti; hinc & tanti Medici auctoritate postpositâ veritatem amplexus esset. Cum v non uno in loco Dioscorides fateatur se ex relatione aliorum quadam hausisse & annotasse, nec oculis propriis ea usurpasse, quis non erroris eum interdum insimulare posset, imprimis cū navigationes hodiernæ ea, quæ apud Romanos & Græcos rariora erant, jam largiore manu nobis suppeditent. Nec defuerunt Medici, qui Regiones ipsas perlustrarunt, simplicium historiam investigarunt, eandemq; bonâ fide posteritati consecrarunt. Horum itaq; observationes cum Antiquis conferendæ & ad Lydium veritatis lapidem affricandæ, quò repulsis tenebris Lux ipsa affulgeat.

VI.

ASPALATHVS f. Erysisceptrum fru-

ICX

51
tex est lignosus (non furculosus, ut monet Fal-
lop. in l. i. Diosc. c. 20.) multas ferens spinas,
gravis, & ubi decorticatus est subrubicundus,
aut purpuram referens, densus, odoratus, & in
gustu amarescens.

Differt ab hoc ἀσφάλτος, quod bitumē est mari mortuo in-
natans, quoddā bitumen Judaicū nominatur Ασφάλτος v. vege-
tabile quoddam est, & dicitur q. non vulsibilis, quod difficul-
ter evellatur ē corpore eorum, qui in eam impeerunt. Deli-
neationem hanc suggerit nobis Dioscorid. l. i. mater. med.
c. 9. A quo divortium facit Plinius l. 24. N. H. c. 13.
Hic enim radicem esse dicit; Ille v. partis usurpandæ nullam
facit mentionem; alii Corticem valunt, ut ex Galeno constat.
Quia v. Diosc. optimum dicit esse gravem & rubentem, non nisi
ligno hæc accommodari poterunt. Plinius duplicē ejus constituit
differentiam; alteram Arborem justæ magnitudinis, alteram
fruticem humilimum. Dioscorid. utramq. simpliciter fruti-
cē appellat nullā factā arboris mentione. Ille candido aspalatho
suavitatem odoris inenarrabilem tribuit; hic eundem sine odo-
re, & ob id deterius proclamat. Fallop. l. de mat. med. c. 20.
in Diosc. tria inde elicit genera. 1. Orientalem aspalathum,
Plinii 2. Dioscorid. Subrubrum sub cortice odoratum. 3. inodo-
rum nascentem in Hetruria. Carolus Clusius l. i. Hi-
stor. Plantar. p. 105. triplicem similiter describit. Lobe-
lius in adversar. p. 427. scribit, sedulā investigatione re-
sentior usatum, ut tres Lignorum differentiæ sibi innotuerint;
primum fuit densum, solidum & compactum q. cujusdam fru-
ticis imæ parti resectum, ponderosum, colore buxo, sed saturio-
re, suavissimo odore & pertinaci sapore, non ita amaro, nec gu-
stu insuavi. Altera species Rhodo missa, rubens cortice demto,

odore adeo fragrante, ut, quam latè patebat coenaculum eximio imbueret odore. Tertia alba foris, intus corulo sub flavo aut citrio santali albi & citrini simillima, albam rosam sapiens, nullam gustanti manifestam exhibens qualitatem, nisi tantillum calidi, quod vix gustu discerni potest. Ex dictis tria ventilandanda occurrunt. 1. An lignum, an v. Radix usurpanda? 2. An nostrates Pharmacopœi verū lignū possideant? 3. Quale nā in ej⁹ defectu substitui posset succedaneū? Circa primum notat Cornarius in l. i. Diosc. Emblem. 19. non lignum, sed radicem in usum trahendam esse 1. quia Plinius radicis meminit, non ligni, illamq; in unguentis expeti. 2. quia Hipp. 2. de morb. mulier. circa finem radicem nigram cum aliis quibusdam eritā in Vino nigro bibendam exhibet. 3. quia Galenus exponit *μέλα αυαν ῥίζαν* appellari radicem aspalathi aromatici. Verū enim verò rationes hæc nil aliud evincere videntur, quā radicem quoq; à Veteribus non neglectam fuisse. Lignum verò præfertur, quia ponderositas, quam Diosc. exigit, meliori jure illi competit, adhæc cortex removeri debebat, tandem & plus efficaciæ ab illo expectandum, ut taceam jam unanimem consensum ferè omnium Medicorum clarissimorum. Quod ad alterum, non id carere videmus difficultate; fruticem enim dicit Dioscorid. ut & Clusius, at nobis objicitur lignum satis ponderosum, & quidem Arboris justæ magnitudinis. At sunt nonnulla Fruticum genera, quæ non rarò in Arborea eximia magnitudinis abeunt, ut Juniperus, Rhamnus s. spina insectoria, & similia; ad quod genus non incommode & Aspalathus referri potest. Hanc ergo sine causa Fallopio assentimur, qui verū Aspalathum ex Indiis haberi posse, asserit; genuinumq; ejus lignum Venetiis adportari, teste Silvarico. Quanto v. in errore versentur ii, qui Aspalathum nil aliud, quā santalum rubrum, aut Lignum Rhodi

Rhodi, vel etiam Brasilianum esse volunt, vel sola inspectio & singulorum collatio & examen docere possunt; pluribus tamen de differentia hacce agunt Matthiol. in Diosc. & Silvatic. l. de Theriac. Tertium non frustra queritur; ubi enim vel ob temporis injuriam eo caremus, quod Galeni & patrum nostrorum tempore accidit; vel etiam inodorum, & ob aetatem exiguarum virium ad nos defertur, quis non de succedaneo ejus esset sollicitus? Galenus semen Viticis substituit, ac minus commodè, licet enim hoc, ut habet Matthiol. l. 5. epistol. p. 576. venenatis ferarum ictibus auxilietur, semen tamen pro ligno ineptè substituitur, ut Sect. I. Aphor. 23. notatum est; alii v. vel lignum aloes, vel santalum citrinum, vel cortices radicem Rhamni, vel etiam Lignum Rhodi seligere voluerunt; in quorum ultimo mens acquiescere meritò potest, non tantum ob externam cū Aspalatho convenientiam, nā cortice decorticato rubet aliquo modo, suavemq; de se spargit odorem & aromaticum, sed & internis, quibus prædictum est, vix cedit virtutibus, ut alibi monstrabitur.

VII.

LOCVS NATALIS Discor. fuit Ister, Nisyrus, Syria & Rhodus. Fallopius Pifis in monte nigro & Coo Insula provenire scribit. Clusius quoq; diversa eidem constituit loca.

Clusium genuinum descripsisse Aspalathum, in primis ad mentem Diosc. dubitari posset. Nam triplici differentiae totidem assignat regiones. Primum genus in Cantabria, & variis Hispaniae ut & Narbonensis Galliae locis; secundum in Castella veteri; Tertium in Cantabria ad radices Pyrenaeorum, quæ Hispaniam spectant, provenire vult. At cum hæc loca Galeno satis fuerint cognita, cur de succedaneo fuit sollicitus?

cicus? cur & Patrum nostrorum memoriâ frequentior ejus non fuit usus?

IIIX.

QUALITATES ejus aliæ sunt Manifestæ, aliæ Occultæ: Illæ ad caliditatem accedunt cum aliquali adstrictione: Hæ v. in Alexipharmacâ, quâ venenis resistit, & Balsamicâ aromaticaq; virtute, quâ Naturam nostram roborat, consistunt.

Licet Galenus contradicere videatur Dioscoridi, dum hic Aspalathum amarum, ille v. acre & adstringens dixerit: Facile tamen ex Fallopio conciliatio suppeditatur, qui vult; Galenum de eo locutum esse ligno, quod in suis oriebatur regionibus; Dioscoridem v. de præstantiore in Syria nascente; hocq; dicit habuisse procul dubio amaritudinem; illud v. in Græcia & alibi proveniens acedinem odoremq; nullum. Regionum quippe diversitas Temperamentorum variare naturam non insolitum est. Idem Fallop. asserit, solo aspalathi icu Cervas spinâ ejus percussas mori, unde & capitibus sagittarum posse adaptari maximo cum Venatorum proventu.

IX.

VSVS ejus primarius est, ut occultis suis facultatibus adversus Venena Naturæ nostræ succurrat, & symbolum suum ipsis Trochiscis Theriacæ inserviendis conferat; secundariò v. aliis quoq; usibus inserviat.

Nil de eo, quod adversus venena valeat, Dioscorid: forte quod satis perspecta omnibus suo sæculo fuerit virtus hujus ligni. Generale tamen nobis sit; Omne Aromaticum non tan-

eum odore suo grato & fragranti Naturam nostram roborare, spiritusq; vitales & animales recreare; sed & adversus venena plurimum valere. Id tamen & ex Diosc. constat; Decoctum hujus Ligni potum alvum & sanguinis eductiones sistere, Urinæ difficultatem & inflationem solvere: adhæc collutionioris subvenire; ad fervida ejus ulcera sananda, ad serpentina item in pudendis locis, & immunditiem, nec non ad Ozænas varium commodè infundi.

X.

MARVM Herba est surculosa flore Origanii, sed odoratiore, foliis candidioribus, vim Sisymbrio similem obtinens, subastringentem, & leniter calefacientem.

Ita Marum depictum legimus apud Dioscor. l. 3. c. 41. Galeni tempore Unguentarius id ipsum incognitum fuit; hinc & subsequentibus temporibus dubitatum fuit de ejus veritate. Marcellus Virgilius id Sisymbrium esse dixit; Hieronym. Tragus sylvestrem majoranam. Monard. Sampsuchi specimen. Plurimi cum Matthiol in l. 3. Diosc. c. 42 existimant Marum esse speciem Majoranæ spirantis fortiorem odorem, insignemq; præ se ferentē gustu amaritudinem, quæq; foliis viret minusculis, candidioribus & tenuioribus. Nec defuerunt, qui majoranæ speciebus neglectis de succedaneis solliciti fuerunt, hinc cum Fernelio & Fuchsio Balsamitam, cum Augustanis v. & Colonienfibus folia Dictamni Cretici substituerunt. Verumenimvero licet Marum maximè ad naturam Majoranæ nobilis accedat, & iisdem cum hac polleat viribus, nihilominus tamen non confundendas esse hæc censemus plantas, multo minus peregrinas in ejus locum surrogandas: sed Marum quod ad nos deferitur, & notis à Dioscoride

M

reliquis

relictis gaudet retinendum, quod eum alijs Thorunienses fabricarunt, & ad Trochiscorum horum confectiorem usurparunt, ut Tidic. tr. de Theriac. p. 174. scriptum reliquit. Nec eo caret officina nostra Pantzeriana, similiter ad usum prædictum id ipsum expecens. Quod si tamen defectus aut bonitas ejus succedaneum urgent, sano consilio ad Majoranam tenuifoliam devenire poterimus.

XI.

LOCUM NATALEM designat Dioscor. juxta Magnesium & Tralleis. Plinius l. 12. N. H. c. 24. Ægyptum, Gal. Cretam & Asiam.

Matthioli l. c. facile se adduci posse tradit, ut existimet, Marum non nasci in Italia: sententiamq; ejus adauget Plinius, qui cum Galeno eense herbam hanc esse peregrinam in Italia, & hac de causa inter ea odoramentorum genera collocavit, quæ ab Exteris regionibus in Italiam convehuntur. Tabernæm. l. 2. Herbar. c. 2. varias Mari species enumerans, ex Asia dicit & Ægypto in Italiam quoq; deferri, num. v. ibidem proveniat, non meminit. Lobel. in advers. p. 213. Mari Syriaci mentionem facit, quod cum Dioscoridæo maximè conspirare vult, & quoad odorem, & quoad externam faciem, refertq; ibidem per decennium plantam hanc odoris fragrantiam retinuisse: & sunt qui nostrum Marum ex peregrinis locis allatum id ipsum esse contendunt. De Maro Corcufiano vide Lobel. l. c.

XII.

QUALITATES ejus manifestæ in calefaciendi & astringendi virtute subsistunt: occultæ v. in alexipharmaca facultate.

Diosc.

Dios. l. c. paucis innuit, Marum leniter calefacere, & adstringere, vimq̃ habere Sisymbrio similem, alii eandem cum Majorana obtinere qualitatem affirmant. Mundererus in Aledario c. 2. multis encomium ejusdem delineat, & inter Cephalica hanc postremum locum obtinere statuit: Venericulo, Jecori, Lieni, Pectori & aliis partibus auxiliari, &c. at quis de occulta ejus dubitabit qualitate, cum inter aromata non infimum occupet subsellium, & spiritibus nostris læto affulgeat odore?

XIII.

USUS ejus est ad depellendos affectus ex frigida causa obortos, ad conciliandum robur internis visceribus, & ad resistendum venenis.

Licet Theriaca primario respiciat affectus venenatos, nihilominus & aliis dicata est morbis, imprimis ex frigidiore principio generatis; talia itaq̃ expetit ingredientia, quæ principalioribus partibus prospicerent, & partim adversus insultus morborum eas munirent, partim à causa morbifica oppressis succurrerent. Utrumq̃ à Maro expectandum. si enim assumatur, s. etiam masticeatur, multum valet in Apoplexia, Paralyti, Spasmo, Vertigine, Tetano, sensuum obfuscationibus, nec non aurium Doloribus. Pituitam à Cerebro detrahit, & spiritus animales reficit ac redintegrat. Jecinorosos & Lienosos juvat, obstructions viscerum aperit. Utero medetur frigidiore, Colica subvenit, incipientem Tympanitidem prohibet, omniaq̃ longè potentius, quàm Majorana nostra præstat, ut differat Munderer. l. c. Quod si verò Sisymbrium ad scorbutum efficax est, quis de Maro dubitabit illi hanc absimili?

CAPUT TERTIUM
DE ASARO & AMARACO.

Aph. I.

ASARUM f. Nardus sylvestris, est Herba odorata coronaria, folia habens hederæ similia, sed multò minora ac rotundiora, flores inter folia ad radicem purpureos odoratos, in quibus semen vinaceis simile: radices subsunt multæ, geniculatæ, tenues, obliquæ, calefacientes & linguam mordentes.

Dioscorid. l. de Mat. med. c. 9. hanc nobis reliquit descriptionem: ut ut verò vel mulierculis cognita sit illa ipsa herba, immunis tamen absq̃ dubiis haut esse potuit. Fuerunt enim qui asarum & baccharim, cujus Dioscor. l. 3. c. 43. meminit, unam eandem dixerunt esse plantam: aterrare illos ipsa αὐτοψία satis evincit, vide & Matthiol. comm. in Diosc. l. all. Smetium in miscell. p. 479. Fallop. in l. 1. Diosc. c. 13. Lobel. in adv. p. 245. Deinde Plinius à Coronariis herbam hanc excludit & l. 21. c. 6. existimat Asarum vocitari, quoniam in Coronis non addatur: cum quo facit Fallop. l. c. qui ἀσάρων ab α & σάγειν vel σάγειν dictum putat, quod non possit commisceri aut complicari in Coronis; additq̃ nec Scrapionem, nec Oribasium hujus, tanquam odoratæ & coronariæ, mentionem fecisse; erroremq̃ inde subortum, quod non dissimile sit Bacchari, quæ & ad coronas apta est, simul & odorata & pulcherrima. Verùm quis negare poterit, Asarum odorem spirare, quo plurimi apprimè delectantur, & in pediluvio quoq̃ expetunt? quòs flores ejus coronis addi posse impossibile

sibile putat? Smetius l.c. αὐτὸ τὴν αἰτίαν, à verrendo derivat, quòd eo antiquitus non verreretur; nullæ enim exinde scopæ lustrales purgandis Deorum aris fieri solitæ, conficiebantur. Quicquid sit, majoris momēti est id: Utrum Radices an folia ad confectionem horū Trochiscorū locū inveniant? Prohibet pugnare Silvatic. p. 57. & quidem 1. quòd radicibus insit vis purgandi, quæ tamen in Trochiscis non expetitur, 2. quòd Andromachi Carmen radices expressè & in specie non designet. 3. quia folia facilius areferi, & in pulverem redigi possint 4. quia Odor, acrimonia, caliditas & amaritudo, ob quæ radices præferuntur, æquè insint foliis 5. quia dum inter Marum & Majoranam, quorum folia usurpantur, Dioscorid. asarum quoq; recensuit, utiq; ejus quoq; folia probasse visus est. Verum rectius cum Marantha & aliis Radices præferimus, cum plus de aromatica qualitate participant. Nec est, quòd Catharticam ejus vim pertimescamus, quam Fallop. tr. de simpl. facult. c. 45 adeò lenem esse existimat, ut fere nulla sit. Emetica vis & radic. & foliis competit, & facile ab aliis ingredientibus infringitur. Quòd v. Andromachus radices scripto expresserit, id fortè Carminis ratio persuasit, sed nec foliorum meminit: reliquæ rationes ut nullius sunt ponderis, ita facile dilui possunt. Radices ergò usurpandæ, & tum effodiendæ, cum folia emittere incipiunt, in sole exsiccandæ, nisi recentibus uti velimus; nam si in umbra siccantur, sicum celeriter contrahunt & senescunt, præcipuè ex locis riguis; ex maris v. minus id expectandum, sint firmæ, odoratæ, quoad gustum acutissimæ; non obsoletæ.

II.

NATALE SOLUM ei Dioscor. adsignavit Pontum, Phrygiam, Illyricum & Justinam

nam Italiae: optimum provenire dicit Plin. in Ponto. proximum in Phrygia: tertium in Illyrico, sed & in Thracia inventum fuisse scribit.

Indicum hoc dicit esse medicamentum Silvatic. suo tamen tempore etiam in Eugnatii montibus provenisse. Verum nec nostras Regiones eo destitui, notissimum est; nec est, quod quis virtutis ejus praestantiam in dubium vocet, cum non tantum sapor & odor, sed & experientia in plurimis affectibus de eodem haecenus testata fuerint.

III.

QUALITATES manifestae in calid. 2. siccit. 3. gradu collocantur; insignem insuper aperiendi, serosos humores pellendi, Vrinam ciendi, Hydropicis succurrendi, coxendicum morbis opitulandi facultatem obtinet. Occultae quoque in alexipharmacâ virtute consistunt.

Avicenna magis calidam, quam siccam statuit. Fallop. in 4. grad. cal. & sicc. At aliud sensus evincit. Hepaticam esse herbam signatura docet, unde ejus frigidioribus affectibus mirè opitulatur. Sed & Capiti & Utero, unde nonnullis Vulvago dicitur, prodest.

IV.

VSS ejus primarius est, ut balsamum nostrum adversus venena muniat, & viscera interna corroboret: Deinde secundario multis aliis affectibus succurrat.

Quantum in febribus pellendis Asarum valeat, ex Matthiol. l. c. constat, ita a. ille: In Germania Rustici tertia-

nam febrem & Quartanam curant epoto Asari, ex Vino decocto Melle, maci, cinam. & id genus aromatibus additis; bibunt n. hujus decocti calidi cyathum unum, alii quotidie, alii alternis diebus, itaq; alvum subducunt. Et quandoq; bilem aut Pituitam vomitionibus reddunt: accedente Paroxysmo dorsalem spinam & plantas pedum inungunt oleo calido, in quo Asarum diu fuerit insolutum, & deinde in lecto se componunt calido: sic enim horror minuitur, & sudor copiosus funditur. Hodie à clarissimis Medicis non rarò drachma dimidia pulveris rad. Asari cum Aq. Carduib. propinatur ante Paroxysmum, unde præcedente Vomitu uberrimus subsequitur sudoris proventus: Robustioribus tamen tantum concedendum. Quantum & hæc ipsa Planta in Ictero, Hydroke & similibus affectibus valeat praxis docet. Pulmonum quoq; vltiosos corrigit humores, & rursus aëstheticisq; confert, si cum melle & Vino decoquatur.

V.

AMARACVS f. Sampfucum L. Majorana, Est Herba odorata, ramosa, caulibus tenuibus, obsequiosis, foliis oblongis incanis pilosisq; cauliculos circumqua; vestientibus, flores edit in summis caulibus spicatos herbace; coloris compactili squammarum congerie, è quibus minutum oritur semen.

Matthioli descriptionem retinere placuit: quam enim Dioscorid. l. 3. c. 39. in historia Sampfuci tradit, ea difficultatibus non caret. Licet ibidem sampfucum Siculis & aliis Amaracum dici scribat, & hinc unam eademq; esse herbam plurimi colligant, tamen diversum alii opinantur, distinctasq; proclamant, tum quod Dios. eam per Terram serpente, folia
birsuta

hirsuta habentem delineet, tùm quòd idem distinctis in locis de
Amaricino, & sampsucino oleo tractet, tùm quod Galen. non
tantùm diversis capitibus utriusq; historiam notet, sed & gra-
dibus caloris differre censeat. Ad quæ tamen cùm pluribus
respondeat, & dubia solvat Matthiol. in l. i. Diosc. c. 47.
eò avidum Lectorem remitto, iisq; subscribo, qui Amaracum,
Sampsucum & Majoranam nostram non differre censent. No-
bilior tamen seligenda erit, quæ fragrantiorẽ præ reliquis
speciebus obrinet odorem, quæq; per Hyemem inter medias nives
innoxie nonnunquam viret, & Renodæo. l. i. de mat. med.
l. 4. c. 30. hyemalis dicitur, diviniore n. hanc ipsam Plan-
tam Balsamo esse præditam præ alia, quæ frigoris impatiens
est, & algidioris brumæ cujusdam occursum perit, quis est qui du-
bitat? Nomen ineptè à Pœtis derivatur à Puerò Amaraco
dicto, quem alabastrulum unguinis suavissimi plenum feren-
tem & lapsum id fregisse præq; luctu intabuisse, inq; amaracum
versum fuisse dicunt. Rectius à particula α, & μαγειρεῖν
derivatio desumitur, quòd immarcescibilis sit, nec per hyemem
corrumpatur, sed vigorem & virorem suum constanter servet.
Σάμψυκον dictum volunt μαγεῖν τὸ αἶμα τὴν ψυχὴν, quod ani-
mmum fragrantia suâ demulceat, & recreet. Majoranam verò
Matthiolus; quod majore diligentia, quàm reliquæ plantæ, &
curâ servetur. Licet v. ab aliis differentia aliæ adferantur,
in eo tamen meritò acquiescimus, quod viribus inter se non dissi-
deant, sed quamvis in compositionem assumi possint. Utrum
v. flores, an semina, an folia in Theriacalem usum trahenda,
disputent alii, nos folia cum summitatibus florum accipiendâ
esse cum Silvatico p. 56. asserimus,

VII.

LOCUS NATALIS Sampsucò à Dio-
 scor. adsignatur in Cypro & Cyriceno, ubi lau-
 datissi-

datissimum provenit: secundū locum vendicare sibi Ægyptiam, sed nec aliis Regionibus denegatum esse, experientia fidem fecit.

Tenuifolia majorana Heeruscis Persa gentile nominabatur, fortè quòd primitus ex Persia fuerit allata, & postmodum aliis Regionibus communicata. Uberiore jam ejus gaudemus proventu. Non quidem sponte provenit, ut in Ægypto, Cizico & Cypro, sed vel seritur tempore verno: vel etiam postmodum surculi decerpti humo inseruntur: alia tamen quæ Hyemalis est, & in hortis vel etiam in ollis asservata perdurat, diversam obtrinet rationem: ut ut viribus & temperamento nil differat.

VIII.

QUALITATES manifestæ in principio caliditatis & siccitatis Tertii gradus consistunt, tenuium est partium ac digerentis facultatis: inter Cephalicas haut postrema est planta, adversus frigidiores ejus affectus militans, sed & Hepaticis & Uterinis morbis medetur. Occultæ v. in alexipharmacâ virtute, quâ scorpionum plagæ succurrit, teste Diosc.

IX.

USUS primarius est, ut Trochiscis admixta Majorana vim contra venena agentem augeret: sed & pluribus aliis opem fert morbis, tum capitis tum aliarum partium.

Ut optimum omnium ciborum condimentum est Sampsucus, & in culinis magnam meretur laudem: ita etiam medicâ-

N

mento

mentosam suam vim in pellendis morbis strenuè exerie. Dioscorid. vult, decoctum ipsius potum in initio Hydropis, Urinæ difficultate ac torminibus prodesse. Præstat ad omnes frigidos capitis & Nervorum affectus, tam illita quàm pota; valet & ad aurium dolores & sonitus, ubi herbesuccus fuerit instillatus; vide plura apud Dioscor. l. c. Tabermont. l. 2. Herbar. f. 2. c. 1. Trag. l. 1. de stirp. nat. c. 9. & alios. Què v. singulari antipathia suis adversetur, & de proverbio inde orto. Quid Amaracus suis consulatur Tidicæus l. de Theriac. p. 175. Venenis quoq; adversari ex eo colligitur, quòd si cum sale & aceto misceatur & scorpîi plagæ imponatur, auxilio sit. Contra ictus serpentum & aranearum foris adhibita juvat. Nonnulli Aquam ejus destillatam tempore Pestis hauriunt ad sanguinem corrigendum & venenum propellendum; nam contra interanea venena unice facere docet Tidic. l. c.

CAPUT QUARTUM DE CALAMO AROMATICO & EJUS SUCCEDANEO

Aphor. I.

CALAMUS AROMATICUS est pars plantæ fistularis frequentibus geniculis prædita, quæ asficulosè in multa segmenta diffringitur, cujus fistula araneis plena, subalbida, in commanducando viscosa, adstringens & subacris.

Tria hic imprimis dispicienda veniunt. 1. Uter noster calamus Officinarum sit Calamus aromaticus veterum? 2. Vtrum

Utrum Veterum calamus adhuc dum haberi possit? 3. Quodnam in ejus defectu succedaneū eligendum? Quod ad primū. Non desunt sanè, qui nostratis calami patrocinium suscipere, & eundem verum esse calamum asserere audent. Ut taceam Brasavol. Fuchsiū & alios, Janus Cornarius comm. in Diosc. l. i. c. 17. totus in eo est, ut affirmativam tueatur. Nec audiendos illos esse dicit, qui calamum odoratum se nunquam vidisse ajunt, & non calamum, sed radicem, eamq̃ magis albicantem, quàm fulvā seu ruffā pro calamo vulgò vendi dicunt. Nam Radicis, inquit, calami usus est, non v. calami ipsius. Descriptio a. calami odorati, quā ab aliis calamorū generibus, distinguitur partim ad calamū, i. e. arundinē, partim ad ipsius radicē pertinet: quod enim Dioscorides dicit, optimū esse, qui fulvus est, ad radicē referendum est; quod v. frequentibus geniculis prædicitum ait, & assiculosē in multa segmenta diffringi & fistularum araneis plenam habet, quemadmodum etiam in nostris calamis videmus, id ad calamum referri. Verum enimverò, ut incerto hæc omnia nituntur fundamento; ita rationes in contrarium à Matthiolo allatæ prævalere videntur. Nam 1. Calam. Diosc. propriè dictus est Calamus seu juncus aut arundo, non v. radix, hinc αἰγυγᾶ nominat, & Plin. arundinem; at noster sub radicis forma visitur. 2. Ille, Planta est exotica in Arabia, India, Syria proveniens, noster v. non peregrinus, sed inquilinus est. 3. Noster non arundinis modo cum cavo s. fistuloso caule, verū absq̃ eo Iridis in modum crescit. 4. In veri calam. cavitate s. canna araneum quiddam albicans apparet, ut in omni arundinum genere, quo interna illa cavitas expletur, in nostro nil tale observatur, sed quid solidi tantum. 5. Ille assulatim frangitur, ut aliās arundo, nil in nostro tale. Secundū quod Concernit. Matthiol. Com. in l. i. Diosc. c. 17. Vero calamo ævo suo se destitutos esse faceri

non dubitavit. Verum Clusius l. i. Aromat. histor. c. 32. eundem dari, & quidem in Calami forma à Dioscorid. depicta, ipse exhibet, quo & Lugduni Allobrogum in dispensatione Theriaca usi sunt. Smetius similem vidit Anno. 1607. Heidelbergæ in officina Sprengeriana, ut notat in miscellan. p. 794. Tidicæus Medicus Thorunientis eundem se conspexisse, & similiter in Theriac. compositione usurpasse refert l. de Theriac. p. 181. Nec officina Pantzeriana eo aliquando destituebatur; verus erat calamus & genuinis notis à Dioscoride præscriptis insignitus, non tamen in Theriaca compositione accitus, eo quod nil fere aromaticæ virtutis spiraret, plusq. efficacia à nostro expectari posset. Datur ergo revera adhuc dum in rerum Natura, datur & in nonnullis officinis, at non simili & desideratâ semper virtutē. Tertiò. Necessarium erit de succedaneo cogitare. Frustra v. vel Agallochum, vel Radicem Rhodiam, vel Angelicam cum aliis proferemus, cum noster calamus ut ut non externâ formâ, internis tamen qualitatibus aromatico Veterum multum respondeat: nam tota Radix aromatica est, & ob insignes quas obtinet virtutes variis Antidotis admisceetur. II.

LOCUS NATALIS veri à Dioscoride India constituitur; à Plinio Arabia, India & Syria. Noster verò in Polonia, Tartaria, & Germania, nec non nostra Borussia provenit,

Garzias ab Horto l. c. negat in Arabia aut alibi verum calamum nasci, licet Plutarcho Arabicus, & Celso Alexandrinus indigiretur; Nam ego inquit, ut veritatem elicerem, sciscitatus sum à multis Coraconæ incolis & Arabibus, qui huc venales equos adducunt, si apud eos nasceretur calamus: Item, an esset eis cognitus, eoque uterentur. Negarunt omnes

omnes apud se inveniri, nisi ab Indis advectum mercimonii gratiâ; probeq; sibi cognitum, utpote cujus plurimus apud eos esset usus. Non falluntur tamen, qui Arabicum vocant, nam ex India in Arabiam deferretur, & inde in alias Regiones: neq; qui Alexandrinum appellant, quoniam hinc Alexandriam, deinde Baruth & Tripoliam Syriæ deferretur. Quod a. Marnard. l. 8. epist. 1. dicit in Pannonia se vidisse adeo recentem, ut non longè petitus videretur, fieri potest, ut fallatur; aut si viderit, satum fortè in sporta aut fœtuli vidit &c. hætenus ille. Noster v. non nisi in Europa nascitur, & omnibus Arabibus, Turcis, Corasonibus & Indis medicis ignotus est. Polonis dicitur Tatarzkie Ziele, quod in Tartaria uberrimus ejus sit proventus, unde ad alias quoq; Regiones deportatur.

III.

QUALITATES manifestæ secundum Garziam in secundo caliditatis & siccitatis gradu percipiuntur, lentorem quendam in mandendo & adstringendi vim cum aliquanta acrimonia prodit: occultam suam potestatem aromatico odore manifestat.

Eundem gradum Cal. & sicc. Galen. 7. de simpl. med. fac. ei assignat. Nostrum v. Calamum s. potius Acorum in tert. gr. cal. & sicc. ponit Gal. 6. simpl. med. fac. ita tamen, ut in fine secundi ille; noster v. in principio tertii constituatur, sicq; exigua differentia animadvertatur; imprimis cum in Regionibus calidioribus & ubi exsiccata sunt radices, calor ipse intendi possit. Noster insuper amaritudinem haut ingratiæ obtinet cum acrimonia quadam, & odorem haut injucundum; urinam teste Gal. movet, additq; Dioscorid. ad virulentarum bestiarum morsus facere, cui consentit & Matthiol. l. 5. epistol. p. 577.

U S U S erat veri, notante Diosc. ut potus urinam moveret, & cum graminis aut apii semine coctus in Hydropicis, Renum vitiis, stillicidio Urinæ ruptisq; haustus commodè asumeretur: quin & secundum eundem menses & potu & appositu pellit: ad muliebres infessus decoquitur, & Clysteribus imponitur.

An non verò eadem virtutes, iidemq; usus nostro calamo seu Acoro vero competunt? Decoctum potu urinam cit: additq; Fallop. in Comm. l. 1. Diosc. c. 6. sese expertum esse, multum facere radicem hanc ad lorium & menstrua: vititur autem cum succo boraginato ad Urinam ciendam, & maximum dicit esse remedium: radicem ipsam coquit in Vino tenui, & hujus ad quatuor cyathos exhibet, infinitosq; lotii oppressione laborantes sanitati restituit, vide & Tadic. p. 182. Ventriculo insuper debili & laboranti auxiliatricem adfert manum: hinc spiritus extractum, radic. Elect. olea destill. & similia inde parata quotidie fere usurpantur: Crudum in taleolas sectum & cum sale devoratum appetitum excitare, & cruditates digerere vel mulierculæ norunt: sed & Asthmaticis confert, ut pluribus Botanicorum libri de eo agunt. Cum verò & alexipharmacam possideat potentiam, quis eam frustra ad Theriacæ compositionem diceret concurrere?

CAPUT QUINTUM
 DE XYLOBALSAMO ET
 EJUS SUCCEDANEO. MASTI-
 CHE. ET USU TROCHI-
 SCORUM.

Aph. 1.

XYLOBALSAMUM est portio lignea
 Arboris Opobalsamum fundentis, candicans,
 saporis & odoris alterius ligni inutilis instar,
 expers; ut vult Bellonius.

*Qualis Arbor hæc benedicta Balsamum miræ efficaciæ
 fundens, fuerit? An Judæam primam patriam agnoscat?
 An hodierna quoq; die adhuc dum reperiatur, & quid loco Xy-
 lobalsami substituendum? disquisitione sanè digna sunt:
 I. Aliam descriptionem exhibet Dioscor l. i. c. 18. alii aliam:
 Döring. tr. de Opobals. hanc ex fide dignis Scriptoribus
 collegit, nobisq; reliquit. Quod sit arbuscula viticosa altitu-
 dine Ligustri foliis paucissimis Rutæ proximis, colore viridi
 subalbido, perpetuoq; virentibus; cujus ramuli longi, recti,
 graciles, gummosi, digitis post conrectationem tenaciter ad-
 herentes: flores albi, exigui, summè odorati, quorum tamen
 odor pusillo tempore durat; semina flava folliculis nigris sub-
 rubescentibus inclusa, intus humore flavo gravida, odoris exi-
 mii, Carpobalsamum dicunt. Lignum candicat, saporis & odo-
 ris expers, &c. 11. De Patria ejus alii aliā fovēt sententiam.
 Döring. l. c. totus in eo est, ut probeat Arabiam felicem ab
 omni ævo, & quidem primitus hancce possedisse arborem, Regis
 namq; Sabæam exinde Balsami Plantam Regi Salomoni dono
 primum*

primum attulisse, hincq; reliquas deinceps propagatas, ita ut
 & ferax regio hæc postmodum balsamo exhibendo extiterit.
 adfero insuper auctoritatem Josephi l. 8. Antiquit. Judaic.
 c. 2. idem affirmantis. Verum enim verò huic vix adstipu-
 lari potero sententiæ; non tantum quod Dioscorid. & alii ve-
 terum Arborem hanc in Judæa tantum nasci voluerunt, & in
 Ægypto quo procul dubio ex Judæa allata fuit; sed historia
 Patriarchæ Jacobi inprimis probat, suo jam tēpore Palestinā
 eā possedisse, inter alia enim munera ad Regem Pharaonem per
 filios transmissa Balsami quoq; fit mentio, non ex Arabia com-
 parati, sed ibidem loci provenientes. Genes. 43. v. II. Josephi.
 l. 2. Judaicar. Antiq. c. 2. Deinde nec in tanta copia un-
 quam Arabia subministravit balsamum, quantam Judæa, ut
 ex sacris constat; Hierochuritanam enim regionem eo abundasse
 testis est Josephus aliquot in locis: perperamq; ipsius auctoritas
 allegatur, nec enim ex propria sententiā, sed aliorum potius id
 differit, inquiens. Existimant nonnulli, Balsamum hodiè apud
 nos proveniens per Reginam hanc eò pervenisse. Deniq; & ste-
 rilitas Arabiæ contrarium evincere videtur, cum enim are-
 nosa sit, & arbores ibidem consitæ parum Balsami fundent, ita
 ut jam vix septem libræ quotannis inde colligi possint; præstan-
 tior v. & fertilior regio prædicta Judæorum fuerit, & major
 balsami proventus, utiq; hanc Veram patriam, alias v. Regio-
 nes adsciriitiam, dicemus. Ægyptum v. nonnunquam posse-
 disse haut inficiamur, cum Pharaones universam Judæam non
 semel armis impugnarint, & inter alia huncce quoq; Theaurū
 secū transportarint. III. Utrū v. hodiè adhuc Arbor Bal-
 sami habeatur non omnibus eadē sedet mens. Matthioli. l. c.
 in Dioscorid. probatissimorum virorum, qui ex Italia sol-
 ventes pluries in Ægyptum navigarunt testimoniis confirmat
 Memphi Balsami viridarium extare. Quod v. Petrus
 Mar-

Martyr Mediolanensis l. 3. Legation suæ Babylon. quam
 ex Hispania Ann. 1501. missus obivit, refert, se totum Balsame-
 rum quod ab urbe Aegypti Cairo decem miliaribus aberat, pe-
 nitus interuisse & desertum vidisse, ita, ut nullum arborum
 Balsami extaret jam tum amplius Vestigium, id nullam con-
 trarietatem indicat; nam non omni tempore Balsametum illud
 a quæ floruit. Nam ex Prospero Alpino colligitur Ann. 1575.
 similiter omnes Plantas Bals. in viridario Aegyptiaco exaru-
 isse, & licet à Præfecto ibidem loci è Meccha quadraginta
 Plantæ rursus eò transplantata fuerint & insertæ, paucis ta-
 men annis Curatorum negligentia vicissim periëre. Quidni & id
 Martyris tempore contingere potuit? Pluribus v. Prosp. Alp.
 tr. suo de Balsam. demonstrat in Arabia felicitis Civitate pri-
 maria Meccha dicta, cui Arabs quidam Princeps, Seriph
 dictus imperat, arbores hasce coli, unde hic ipse Turcarum Im-
 peratori gratitudinis ergo propter munera oblata, singulis an-
 nis inter alia remittit Opobalsami tres quatuorve libras. Plan-
 tam hanc vivam aluit quoq; ipse Alpinus, pluribusq; eandem
 visendâ, & Opobalsamum ex foliorum alis dissectis stillans ex-
 hibuisse. Tandè de Xylobalsamo notandû, Ramulos Balsa-
 mi saporis non nihil adstringentis, pinguis & aromatici hoc no-
 mine apud Pharmacopæos venire; Quia v. Arbor. Bals. tan-
 tum in Arabia jam provenit, & quidem haut copiose, adhuc
 studiosè ob Opobalsamum educatur & asservetur, qui quæso
 in tanta copia Lignum s. ramuli expectandi, ut per universum
 ferè Orbem Pharmacopolia iis abundant. Sed & color, odor
 sapor oblatis & ficti Ligni fucum satis loquuntur. De quo sic
 Smetius l. miscell. 19. p. 500. Lignum quoddam oberudunt
 nobis Officinæ pro Xylobalsamo, quod licet sit tenui sarmento
 & aliquatenus fulvum, tamen odoratum non est, nec recens, nec
 quicquam Opobalsami spirat, nec ~~progrèssu~~, aut ut Plinius bu-
 xosum est colore, sed potius fuscum, vel ex nigro rubescit, sapo-
 re aliquid aromatis, sed valdè obscure ostentat, Fallop. l. 1. in

Diosc. c. 17. & Silvat. p. 64. in re tanti momenti certi quid-
piam asserere haut licere ullum existimant, tutiusq. consensu
substituto uti, quam periculi plenam novitatem statim adgre-
di. Proinde ad succedaneum ipsum discursus dirigendus; aliis
circa Balsamum adhuc explicandis in Historiam Opobalsami
reservatis.

II.

SUCCEDANEUM sit XTLOALOE
vel etiam LIGNUM JUNIPERNUM, cum ad facul-
tatem Xylobalsami proximè accedant.

*Variant tùm Veteres, tùm Neoterici in succedaneo; illi,
ut ex libro de substitutis Galeno adscripto videre est, Leucoij
radicem, vel Lignum hederæ nec qualitatibus nec virtute Xy-
lobalso respondens; hi, vel lignum è Terebintho, vel è Lentisco,
vel Caryophyllorum, vel Cyperum, vel Zedoariam præferunt.
Et si lignum Terebinth. vel Caryoph. semper haberi posset ge-
nuinum, nullatenus reprobandum esset ob balsamicam, quam
utrumq. possidet virtutem. Placuit tamen pluribus Lignum
aloes substituere. Anton. Alaymus lib. de succedan. p. 342.
Cortic. rad. lauri substituendos censet, cùm & qualitat. & vir-
tute occulta respondeant Xylobalso utrum v. & Juniperinum Li-
gnum locum mereatur, dispiciemus.*

III.

XTLOALOE, est portio lignea Arboris Indicæ
instar oleæ nascentis cortice crasso, cujus lignum o-
leosum quidem & pingue: recens dissectū nulla odo-
ris fragrantia commendatur; sed ubi exaruit, odoratū
evadit: Imò fragrantia ne tūm quidem per universam
ligni materiam diffunditur, sed in ipso arboris medi-
tullio, quod Cor vel matricem vocant, coacervatur.
JUNIPERUS est frutex lignosus, spinosus, ramosus
mediocris arboris magnitudinē sæpius æquās, cortice
mēbranoso, odoratus, baccas ferēs primo virides, & per
maturitatem nigras, cujus lignum flavescit, & suavem
de sese fundit odorem

Illius

*Illius descriptio est apud Smet. l. 9 miscellan. c. 21
hujus apud Renodæum l. 1. f. 6. c. 31. Hæc arbor ut satis
perspecta & cognita nostratibus, ita nonnulla circa lignum
aloes dubia occurrunt. Nam disputat Smetius & quinque
argumentis evincit, lignum aloes non esse Agallochum
Dioscorid. 1. quia Thua ligno dissimile apparet (at simile
eidem esse voluit Diosc.) huius enim materies incorrupta perdur-
rat teste Theophrasto l. 5. c. 7. at Xyloaloe sæpissimè cariosum
conspicitur, quin & rarum est, leve, non densum, compactum,
solidum, grave. 2. Agalloch. Diosc. gustu adstringit cum aliquan-
ta amaritudine, præcellenti autem adstringendi facultate:
hinc sudores arcet corpori inspersum, & Dysentericis prodest,
que ab astringentia virtute dependent; In ligno aloes contra
amaritudo adstrictionem evidenter superat; imò vis styptica
nulla notabilis adest; neq. acrimoniâ prorsus caret. 3. Agallo-
chum Diosc. cute verius quàm cortice vestitur: at lignum
aloes ut habet Garz. l. c. 1. 16. non cute sed cortice, ut reliqua
ligna, vestitur, & quidem crasso. 4. Agalloch. pro thure ad
suffimenta antiquitus substituebatur, tanquam thure vilius,
aut parilis pretii. Lignum a. aloes adeò carum est, ut potius
thus pro ligno aloes substitui debeat. Nam thuris electi 100.
libr. uno aureo apud Indos emi possunt, quamvis ex Arabia
subvehi debeat. Lignum. v. aloes apud Indos aureis tribus,
quamvis illic natum, in singulas libras venit. 5. In agall. radix
ligno præfertur, & potissimum in usu erat, ligni aloes nulla ad-
fertur, nec commendatur radix. Contrarium quidem hæte-
nus usus obtinuit, ut sc. agallochum Diosc. pro Xyloaloe vendi-
taretur; cum v. hæ rationes ex Garz. potissimum desumte non
de nihilo sint, cuius suum relinquimus iudiciu. De Xyloaloe tamè
ligno nobis noto disseremus.*

IV.

LOCUS NATALIS Ligni Aloes censetur In-
dia; inde in Arabiam & alias regiones transportatur.
Juniperus in multis regionibus satis frequens est, ita

ut alicubi totas sylvas efficiat, in quibus merulæ & Turdigratissimo sibi cibo Juniperi baccis vescuntur.

Lusitani per Meridiem in orientem cursum navigationis instituentes testantur Lignum hoc in Insula Taprobana aliisque continibus locis nasci, cujus integros Truncos in Lusitan. & Hispan. iidem secum attulere, qui non modo incensi, sed manuum tantum attritu suaviter redolent referente Matthiolo. Optimum, referente Garzia in Malaca & Sumatra, unde Chineses auferunt, provenit: & quidem in iis promontoriis, in quibus Tigres & ferocissimæ belluæ victitant & commorantur, unde non nisi summo cum periculo arbor grâdiuscula cædi potest, aut junior avelli & sine discrimine vitæ transportari, ut tradit Renod. l. i. de mat. med. f. 3. c. 21. Fabulosum itaque est quod 1. à nullis asseritur, tantum in Paradiso terrestri hanc arborem provenire, & fluminibus truncos, fragmenta aut ramenta ejus rapi & in Indiam deferri. 2. quod lignum ipsum inodorum sit, sed integro anno dissectum sepeliatur, ut ita terrâ obrutum marcescat cortex, lignumque tantum purum remaneat, adeo ut è ligno nihil erodatur, ut vult Serapio & ex hoc Fuchf. l. de Antidot. section. Ut enim primum non indiget aliqua refutatione, cum Paradisus jam nullus exeret: ita secundum ex eo rejicitur, quod ipsum lignum in se & suâ naturâ sit odorum. Varia quidem sunt lignorum odoratorum genera, quæ & nomine Ligni Aloes veniunt, at illegitima sunt, aut sylvestres quedam arbores teste Garz. l. i. aromat. c. 16.

QUALITATES in secundo gradu possidet calidas & siccas, & optimum est, quod multum nigricat, cinereis discurrentibus venis, ponderosum, plurimo humore pingui prægnans: Caput & Cor mirificè corroborat. Venenisque adversatur: Juniperus v. vix uno superat gradu cal. & sicc. Pectori & Cordi nec non Capiti plurimum auxiliatur: Urinas movet, suffitu bestias venenatas fugat &c.

Xylo-

Xylobalsami virtutes & qualitat. ab Avicenn. l.2. tract. 2. recensentur, quod in secundo gradu sit. Calid. & siccū; secundum Dioscor. & Avic. prodest dolori laterum, pectoris affectionibus, Pleuritidi sc. asthmati & aliis à causa frigida provenientibus. ut & truscentibus. Viscera omnia frigida intemperie obfessa, roborat, digestionē adjuvat, Hepar confortat, Cachexiam curat, Urinā provocat Nephritidem pellit, Lapidēs Renum infringit, & abigit, matricis dolores lenit, menstrua alba & alias Uteri humiditates exsiccat, Venenis resistit, Venenoso morsui Viperino confert, nec non scorpionum Venenum præsertim fugat, pannos tandem oculorum exterit. Hisce nullum omnium Simplicium ita exactè respondet, quàm Lignum Juniperinum s. etiam radices Ligni ejusdem: In manifestis ei respondet, licet bacca ad tertiam accedant classē, Pectori, Cordi nec non Capiti plurimum auxiliatur, Urinas movet, calculum pellit, suffitu bestias venenatas fugat, Pestilenti auræ resistit & venenatorum animalium moribus confert.

VI.

USUS utriusq; ut in multorum morborum curatione multum valet, ita in primis Trochiscis hoc vel illud ad sociatur, ut vires alexipharmacæ augeantur, & suavis inde affulgeat odor.

Utrum Lignum Juniper non præferri possit cuius deliberandū propono ob sequentes Rationes 1. Rariores sunt illæ arbores Xyloaloes 2. nec semper ad nos deferuntur 3. magno pretio lignum emitur 4. facile illegitimum substitui potest, 5. nec majores nostro Juniperino obtinet virtutes: cujus & uberior provectus, semper ad manus esse potest, vili pretio comparatur, nec adulterium obtinet, & tempore pestis magnum adversus contagium & virus pestilentielle est auxilium, unde & suffumigia varia parantur, ut ex Medicorū scriptis constat, & alibi pluribus id exponetur?

VII.

MASTIX est Gummi resina ex Arboris Lentisci truncis vulneratus fluens, & in terra circa pavita concretescens.

Quemadmodum Gummi speciali nomine in Liquor concretus à Galeno indigitatur, qui aquis promptè diluitur; & Resina, quæ Oleis & pinguibus: ita, quæ de utroq; participant, & tam aqueis, quàm oleaginosi dilui patiuntur, non incommode Gummi-Resinæ vocantur, quo Mastiche, Camphora, Styrax & similia referuntur, censente Renod. l. i. f. 9. c. i. Arbor ipsa dicitur Gr. *ῥῖνος* Lentiscus, resina. *ῥητίνη* *ῥητίνη* *ἢ* *μαστίχη*. Diosc. l. i. mat. med. c. 72. arborem dicit esse notam, at non ita Germanis: Delineationem vide in primis apud Clusium. l. i. rarior. plantar. c. 10. Tabernæm. l. 3. c. 60. & alios.

VIII.

LOCUM NATALEM in primis agnoscit Insulam Chium: nec enim Lentiscus alibi proveniens laudabilem fundit resinam.

Arbores ipsas per Lusitaniam, Boeticam, ut & in regno Valentiano & Gallia Narbonensi copiosè provenire scribit Clusius l. c. nec Italiam illis destitui vult Tabernæmont, Optima tamen est Mastix, quam Insula Chio subministrat; narratq; Bellonius l. 2. observ. c. 8. copiosissimum in illa insula esse Lentisci Mastichem fundentis proventum; primariasq; Insularum opes & fortunas in ejusdem collectione consistere; additq; non minore impensa & diligentia Lentiscum ibidè excoli, quàm in Gallia vites; Omnemq; collectam summam Reip. deberi. Quod v. Vindemii tempore in propriis agris legitur, id totum absq; dolo in commune conferri, abscissaq; manu poenas dare eum, qui Mastichem producentem Lentiscum in proprio vel alieno agro excider. Ægyptiacæ quidem Galen. 2. ad Glaucon. mentionē facit, at subalbida est & feculenta & exiguarū virtutum; rara quoq; exiguaq; quātitate est, quæ in Hispania & Gallia provenit, ita ut de ea colligēda homines vix curā aliquā suscipiāt norante Amato enarr. 18 in Diosc. IX.

QUALITATE suā ad secundum Calidit. & siccit. gradum accedit, simul & adstringendi conglutinandiq;

nandiq; vi pollet Ventriculo maximè grata; quin & aromaticà balsamicaq; suà virtute excellit.

Avicenn. l. 2. tr. 2. c. 461. *hiscē facultatem Mastichis exprimit. Mastix subtilior est & magis juvans, quàm Olibanum: confert propter illud quod in Mastiche est de stipticitate & lenificatione apostematibus viscerum: confert & Tussi, & spūto sanguinis: confortat stomachum & Hepar, & aperit appetitum, & stomachum efficit bonum, & movet eructationem, & liquefacit phlegma ejus, & confert apostematibus Stomachi & Epatis statim &c. Queritur v. quī secundū Diosc. & alios stomacho auxilietur, cū ructū moveat: alii expūgendū censēt illud (Ructum movet,) hinc & Dodonaus in catalogo virtutum mastiches, ructus non meminit. Verum rectius Strobelberg. tr. de Mastich. p. 59. eateñus ructum s. eructationem promoverē asserit, quatenus vitiosam in Ventriculo materiam invadit, & flatūs inde proveniētes expellit: ructus a. ut ut sit ex mala causa, bonum tamen signum est roboris sc. Ventriculi; hinc Serapio, si stomach⁹ repletur vērōsitate, nec fiat eructatio, dēcur unde eructatio perficitur.*

X.

USU suo primario visceribus quidem internis balsamicā virtute prospicit, sed & aliis morborum generibus medetur, ut non sine causa inter Theriacalia simplicia locum inveniat.


Saluberrimum mehercle est medicamentum & eximium Medico usum pręstat: sanguinem ē naribus manantem, si cum Thure, sanguine draconis, farin. volatil. & leporinis pilis combustis albumineq; ovi misceatur, sistit, quod in iis casibus, ubi vix alia locum habebant remedia, non semel expertus sum: & vel fronti applicatur fascia superpositā, quę arctē constringat, vel etiam nasalīa inde parantur: ad dentium dolores, & ad Pituitam à capite trahendam confert, si cum Cera odorata misceatur & masticeatur. Ad ventriculi dolores usurpatur, si ituro cubitum tria quatuorve grana deglu-

deglucienda porrigatur. Balsamica ejus virtus in sanandis ulceribus Ventriculi & Intestinorum vix deprecari potest quæ admodum observationes nostræ medico Practicæ id aliquando uberius demonstrabunt. Plura de ejus virtute vide apud Strobelberger. l.c. Unicum tamen ex Mesue notandum. Mastichē ferè omnium Catharticonū esse cōdimētū, quod effera eorū vis ac virulentia cicurari potest, ut sine illa præscripta Purgatio insulsi cibi, inconditiq; ferculi repræsentet imaginem, sitq; omnis Purgantium propinatio suspecta, & humanæ naturæ invida, cui mastiches benignitas & clementia non accesserit, adnotante Strobelb. p.84. Hinc vix dantur pilulæ eâ destitutæ; ingreditur Syrupos, Electuaria, species aromatic. Trochisc. Antidot. Ungu. Empl. Ceratæ & similia, unde insignes ejus virtutes facile quivis colligere potest. Acris quoq; medicamentis, qualia non pauca in Theriaca habentur, freni instar esse posse & lenitore suo Emplastico eadem demulcere vult Tidic. l. c. p. 216.

XI.

Compositionem excipit U S U S Trochiscorum, qui in eo consistit, ut non tantum excalefaciendo, exsiccando, valenter attenuando, visceraq; roborando inserviant, sed & Cor firmando & Venenis resistendo Theriacæ fidelem præstent operam.

Dioscorid. l. 1. de mat. med. c. 57. eandem dicit vim habere cum Unguento Amaracino. Galenus 4. de loc. aff. c. 8. meminit se in Pulmone exulcerato & putrefacto, inter alia Hedychroum interdiu naribus jugiter adhibuisse, quo æger reficeretur. & l. 3. de composit. medicam. s. l. p. 298. In divite quopiam, qui odoratum Pharmacum sibi adhiberi exoptabat in Oxenæ curatione Hedychroi usum excogitavit, ipsumq; Vino falerno veteri dissolvit, & mirum quàm brevi affectio ipsa sit curata. Nostro v. tempore ad Theriacæ tantum hi Trochisci expetuntur compositionem, & vix in alium trahuntur usum.



863

P.P.

IX.18



863545 Bibliotheca 26.000,⁵
P.P. Camaldulensium in Bielany

Depozyt w Bibliotece Jagiellońskiej



06947

